

ԵԻՍԿՆԵՅԱՆ ՄԱՍԿՄԱՆ

ՄԱՅՐ ԱԹՈՒ ՍՈՒՐԲ ԷԶՄԻԱՑՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

Հայտարարություն

Ամենայն Հայոց Հայրապետի՝ 2025 թ. հոկտեմբերի 21-ի տնօրինությանը, Մայր Աթոռ Սուրբ Էջմիածնի Պարզանքի շնորհման և կարգապահական հարցերի հանձնախմբի եզրակացության հիման վրա, Արագածոտնի թեմի հոգևոր սպասավոր Ս. Արամ քին. Ասատրյանը, սպառնալից լինելով կանոնական դաշտ վերադառնալու իրեն ընդհանրապես ուղղակի բոլոր հնարավորությունները՝ այդ թվում երիցս հրաժարվելով ներկայանալ հանձնախմբին, կարգապահական կոչվելով ի դասն աշխարհականաց՝ Ստեփան Ասատրյան ավագանի անվամբ:

Ի հետևանք այս որոշման՝ Մայր Աթոռ Սուրբ Էջմիածինը պատշաճ իրազեկմամբ Ստեփան Ասատրյանին, ըստ Եկեղեցու կանոնների, արգելել է կատարել եկեղեցական ծեսեր ու խորհրդակատարություններ, այլև այնպիսի գործողություններ, որոնք վերապահված են բացառապես Եկեղեցու սպասավորներին:

Ստեփան Ասատրյանից պահանջվել է նաև ս. թ. հոկտեմբերի 23-ին ազատել Հովհաննավանդը և Եկեղեցու բանալիները հանձնել Արագածոտնի թեմի վարչական խորհրդի ատենապետ Ս. Շնորհք արքեպիսկոպոսին, իսկ Մայր Աթոռի կողմից ծառայողական նպատակներով իրեն տրամադրված բնակարանն ազատել մինչև 2026 թ. հունվարի 15-ը:

Միաժամանակ Ստեփան Ասատրյանն իրազեկվել է, որ Հովհաննավանդուն այսուհետ ծեսերն իրականացնելու են տեղում սպասավորող քահանաները, և հորդոր է հղվել

ծեռնապահ մնալ ծեսերի՝ այդ թվում Սուրբ Պատարագի խորհրդի մատուցմանը որևէ կերպ խոչընդոտելուց, ինչը ոչ միայն կանոնական կոպտագույն խախտում է, այլև քրեորեն պատժելի արարք:

Նշենք, որ Ստեփան Ասատրյանը, անտեսելով Մայր Աթոռի օրինական պահանջները, հրաժարվում է հանձնել Եկեղեցու բանալիները և ազատել Հովհաննավանդի տարածքը:

Ցավում ենք, որ Արամ քահանայի կարգապահական միջոցառումները և կայացված կարգապահական որոշումն անհարկի շահարկում են իշխող քաղաքական ուժի ներկայացուցիչները: Դատապարտելի է հատկապես վարչապետի աջակցությամբ Հովհաննավանդուն Ս. Պատարագի անվան մերթ միջոցառում կազմակերպելու՝ Ստեփան Ասատրյանի հոգեկործան նախաձեռնությունը: Սա իշխող քաղաքական ուժի ղեկավարի կողմից Եկեղեցին պառակտելու հերթական փորձ է՝ հակաօրինական ու հակաեկեղեցական իր բոլոր դրսևորումներով:

Եկեղեցիները, վանքերը և այլ սրբավայրեր Հայաստանյայց Առաքելական Սուրբ Եկեղեցու ժառանգությունն են, և անկախ այդ պատմաշակութային արժեքների նկատմամբ սեփականության իրավունքից՝ կրոնական ծեսեր կատարելու և պատարագներ մատուցելու կանոնական իրավունքը բացառապես վերապահված է Հայաստանյայց Առաքելական Սուրբ Եկեղեցուն:



Կարևորությամբ ցանկանում ենք արձանագրել, որ նախկին Եկեղեցականի կողմից ծեռնապահական քայլերով խոչընդոտվում է Հովհաննավանդուն սպասավորող քահանաների օրինավոր ծառայությունը, պղծվում է սրբավայրը՝ հակակառնական գործողություններին մեղսակից դարձնելով մերժելի ընթացքին մասնակից անձանց:

Հորդորում ենք իրավապահ մարմիններին՝ կանխել ապօրինությունները և ապահովել Հովհաննավանդուն սպասավորող քահանաների բնական ծառայությունը և սրբավայրի հոգևոր-աղոթական մթնոլորտը:

24. 10. 2025 թ.

Կատարվեց քահանայական ձեռնադրություն

Նոյեմբերի 26-ին՝ Գյուլստ Խաչի տոնին, Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի օրհնությամբ, Միաձուլված Մայր Տաճարում իրենց Սուրբ Պատարագի կատարվեց քահանայական ձեռնադրություն:

Տոնի առիթով հավատացյալների երկրպագության համար դուրս բերվեց նաև Փրկչի Խաչափայտի մատուցումը:

Պատարագիչն էր Սյունյաց թեմի առաջնորդ Գերաշնորհ Ս. Մակար Եպիսկոպոս Հակոբյանը, որի ձեռնամուխ քահանայական ձեռնադրության և օծման արժանացան Եկեղեցական տարբեր կառույցներում սպասավորող վեց սարկավագներ:

Սուրբ Պատարագի ընթացքում Մակար Սրբազանը, քահանայության կոչելով նորընծաներին, Սրբալույս Սյունուն օծեց նրանց ճակատներն ու ձեռքերը, ինչպես նաև նորածն Եկեղեցականներին շնորհեց նոր հոգևոր անուններ:

Բարեշնորհ Տիգրան սարկավագ Հակոբյանը վերակոչվեց Տեր Ավետիս քահանա, Սիմոն սարկավագ Իգիթյանը՝ Տեր Դավիթ քահանա, Գրիգոր սարկավագ Ավիյանը՝ Տեր Գառնիկ քահանա, Արթուր սարկավագ Օհանյանը՝ Տեր Մեսրոպ քահանա, Հակոբ սարկավագ Գևորգյանը՝ Տեր Հովհան քահանա, և Հայկ սարկավագ Թովմասյանը՝ Տեր Նշան քահանա:

Այնուհետև նորածն քահանաներն իրենց անդրանիկ օրհնությունը փոխանցեցին ներկաներին:

Սրբազան Հայրը, իր քարոզում անդրադառնալով քահանայության խորհրդին, մասնավորապես ընդգծեց, որ յուրաքանչյուր ձեռնադրություն նոր ուժ, ոգևորություն ու սեր է փոխանցում ներկային և գալիքին, որովհետև նորածն քահանաները գալիս են զորացնելու հավատը, սերը, խոնարհությունը մեր ժողովրդի մեջ՝ դառնալով աշակից և զորակից իրենց ավագ եղբայրներին,



որոնք արդեն իսկ քայլում են խաչի օրհնյալ ճանապարհով:

«Սիրելի քահանա հայրեր, մաղթանքս է, որ հավատարիմ մնաք ձեր տված երդմանը, որ սուրբ սեղանի առջև ուխտեցիք, թե պատրաստ եք կատարելու բոլոր հրամանները և սրբերի կանոններով քայլելու՝ առանց հակառակելու ձեր հոգևոր առաջնորդներին: Մաղթանքս է, որ քայլեք խաչի ճանապարհով, որը ներ ճանապարհն է և տանում է հավիտենական կյանք, իսկ մյուսը, որը լայն է, տանում է դեպի կործանում: Դուք օրինակ վերցրեք մեր հայրերից, մեր շուրջ ապրող ու արարող եղբայրներից, որոնք վստահ հավատքով ընթանում են ներ ճանապարհով՝ լցված Սուրբ Էջմիածնի հանդեպ անշեշտ



սիրով, և իրենց տոկունությամբ մեզ ուժ են փոխանցում՝ ասելով. «Եթե կցորդ ենք Տիրոջ չարչարանքներին, հաղորդակից կլինենք նաև նրա փառքին»» (Հռոմ. 8.17),՝ ասաց Մակար Եպիսկոպոսը:

Վերջում պատարագիչ Սրբազանը հորդորեց նորածն եկեղեցականներին՝ իրենց ծառայությունը բերել մեր Եկեղեցուն սուրբ վարքով, ուղիղ հավատքով, լուսավոր մտքով, ժրջան մշակի համբերությամբ, խոնարհությամբ ու հեզությամբ:

Ապա «Ողջույնի» ժամանակ Ամենայն Հայոց Հայրապետի գլխավորությամբ Մայր Աթոռի միաբաններն ու ներկա հոգևորականաց դասը բարձրացան Սուրբ Խորան և շնորհավորեցին նորածն քահանաներին՝ համբուրե-

լով նրանց մյուսնադրոշմ ճակատներն ու ձեռքերը: Սուրբ Պատարագի՝ «Տեր, ողորմեա» երգեցողության ժամանակ հոգևորականներն ու ներկա հավատացյալներն առանձնական աղոթք բարձրացրին ապօրինաբար ազատարկված Միքայել, Բագրատ արքեպիսկոպոսների, Սկրտիչ Եպիսկոպոսի, Գարեգին քահանայի, ազգային բարերար տիար Սամվել Կարապետյանի և բոլոր գերյալների ազատության, ինչպես նաև հայրենի երկրի խաղաղ ու բարօր կյանքի համար:

Նորածն քահանաները Մայր Աթոռ Սուրբ Էջմիածնում կանցկացնեն քառասունյա պատրաստության և աղոթքի շրջան, որից հետո ծառայության կկոչվեն Հայ Եկեղեցու տարբեր կառույցներում և թեմերում:

Ամենայն Հայոց Կաթողիկոսն ընդունեց նորած քահանաներին

Նոկտեմբերի 27-ին Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց քահանայական կոչմանն արժանացած նորած վեց քահանաներին՝ ուղեկցությամբ Սյունյաց թեմի առաջնորդ Գերաշնորհ Տ. Մակար եպիսկոպոս Յակոբյանի:

Հանդիպմանը Մակար եպիսկոպոսն իր երախտագիտությունը հայտնեց Հայոց Հոգևորականության քահանայական ծեսադրություն կատարելու պատվին արժանացնելու համար: Սրբազանն ընդգծեց, որ նորած քահանաներն իրենց նվիրյալ ծառայությամբ ու ազգանվեր գործերով նոր ավյուն կհաղորդեն մեր ժողովրդի հոգևոր կյանքին:

Այնուհետև Ամենայն Հայոց Կաթողիկոսը շնորհավորեց նորընծաներին քահանայական օծման և ծեսադրության առիթով՝ բերելով նրանց իր հայրական օրհնությունն ու բարեմաղթանքները:

Նորին Սրբությունն անդրադարձավ քահանայական կոչմանը և հոգևոր սպասավորության կարևորությամբ՝ արձանագրելով, որ մեն պատիվ ու շնորհ է ծառայել Աստծուն, ազգին և Եկեղեցուն: Վեհափառ Հայրապետը հորդորեց երիտասարդ եկեղեցականներին՝ իրենց ծառայության մեջ լինել նախա-



նախադիր և հաստատական, մշտապես ունենալով հավատավոր հոտի կարիքներին: Հայոց Հոգևորականության պատգամեց կյանքի փորձությունների ու դժվարությունների առջև չվհատվել, դրանք հաղթահարել հավա-

տով ու հույսով՝ իրենց նկարագրով ու պահվածքով բարի օրինակ լինելով համայնքների համար: Հոգևոր առաքելության արդյունավորման ճանապարհին Նորին Սրբությունը թելադրեց առաջնորդվել անսակարկ սիրով, զոհողության ու հանձնառության ոգով:



Հանդիպման վերջում Նորին Սրբությունը «Պահպանիչ» աղոթքով օրհնեց քահանա հայրերին և նրանց ընծայեց «Մաշտոց» ծիսարաններ:

Մայր Աթոռում տեղի ունեցավ Հովհաննես Զիլինգիրյանի անվան գրադարանի բացման և շքանշանի հանձնման արարողություն

Նոկտեմբերի 22-ին, Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հանդիսապետությամբ, Գևորգյան հոգևոր ճեմարանի Կոմիտասյան դահլիճում բացվեց բարեհիշատակ Հովհաննես Զիլինգիրյանի անվան գրադարանը, որի հաստատման նախաձեռնությունը կյանքի կոչվեց մեծանուն հայորդու դուստրերի՝ Շամիր Ավագյան-Զիլինգիրյանի և Անի Սրմաթեշ-Զիլինգիրյանի օժանդակությամբ ու ազնիվ ջանքերով: Գրադարանը պարունակում է Հովհաննես Զիլինգիրյանի հնատիպ գրքերի հավաքածուն:

Գրադարանի հանդիսավոր բացումն սկսվեց Տեղումական աղոթքով: Այս առիթով Վեհափառ Հայրապետը տեր և տիկին՝ Հակոբ և Շամիր Ավագյաններին շնորհեց Հայաստանյայց Առաքելական Սուրբ Եկեղեցու «Սուրբ Գրիգոր Լուսավորիչ» պատվով բարձրագույն շքանշան:

Մեծարյալների կյանքին և ազգօգուտ ու հայրենանվեր գործունեությանն անդրադարձավ տիար Ռուբեն Միրզախանյանը, ապա «Էջ Միածինն ի Հօրէ» շարական երգեցողության ներքո ներս բերվեցին Հայրապետական սրբատառ կոնդակը և շքանշանները:

Այնուհետև Մայր Աթոռ Սուրբ Էջմիածնի Վարչատնտեսական բաժնի տնօրեն Գերաշնորհ Տ. Մուշեղ եպիսկոպոս Բաբայանն ընթերցեց Հայրապետական սրբատառ կոնդակը, որում ի մասնավորի ասվում է.

«Մեծարգո պարոն Հակոբ Ավագյան, ...Քրիստոսահաստատ Սուրբ Էջմիածնի հանդեպ սերը Ձեր հոգում՝ Դուք Ձեր սիրելի տիկնոջ՝ Շամիրի հետ միասին կարևոր օժանդակություն բերեցիք Մայր Աթոռի հովանու ներքո «Ռուբեն Սևակ» թանգարանի



հաստատմանը, որտեղ ներկայացված են Հայոց ցեղասպանությանը զոհ դարձած մեծանուն հայորդու արխիվային նյութերն ու անձնական իրերը, ինչպես նաև բարեհիշատակ Հովհաննես Զիլինգիրյանի գեղանկարչական մեծարժեք հավաքածուն: Թանգարանը նոր հնարավորություն է ընձեռել Սուրբ Էջմիածնի այցելուներին ու ուխտավորներին ծանոթանալու մեր ժողովրդի շնորհաշատ զավակների բարձրարժեք ստեղծագործություններին ու հայ մշակույթի գանձերին:

Դուք գովարժան ներդրում ունեցեք Մայր



Աթոռում Հովհաննես Զիլինգիրյանի անվան գրադարանի հիմնադրման գործում, որն ազնիվ փափագն ու ցանկությունն էր եկեղեցասեր հայորդու: Հայրենիք փոխադրված և Գևորգյան հոգևոր ճեմարանի Կոմիտասյան սրահում հանգրվանած հնատիպ հարուստ գրականությունը հասանելի պիտի լինի մեր հոգևորականներին ու ճեմարանի սաներին և ծառայի նրանց կրթության ու պատրաստության գործին:

Այսօր առիթ ունեցեք Մեր բարձր գնահատանքը բերելու Ձեզ՝ գորգերի Ձեր անձնական մեծարժեք հավաքածուն Սուրբ Էջմիածնին ընծայաբերելու պատրաստակամության համար, որոնցից մի մասն արդեն իսկ փոխանցել եք Մայր Աթոռին: Ուրախ ենք մեծապես, որ Ձեր օժանդակությամբ Սուրբ Էջմիածինը պիտի օժտվի նաև հայկական

գորգերի թանգարանով՝ ի ցույց դնելով մեր ժողովրդի գորգագործության հարուստ ավանդներն ու ժառանգությունը»:


Կոնդակի ընթերցումից հետո Ամենայն Հայոց Կաթողիկոսը բարեբար զուգահեռ հանձնեց Հայ Եկեղեցու բարձրագույն շքանշանը՝ վերստին բերելով Հայրապետական իր օրհնությունն ու բարեմաղթանքները:

Ընտանիքի անունից Նորին Սրբությանն իր երախտիքի ու սրտի խոսքը հղեց տիկին Շամիր Ավագյանը:

Միջոցառմանը երաժշտական կատարումներով հանդես եկան Հայաստանի «Նոր անուններ» ծրագրի պատանի երաժիշտ-կատարողները:

Վերջում հանդիսությունն ամփոփվեց Ամենայն Հայոց Կաթողիկոսի «Պահպանիչ» աղոթքով:

Ամենայն Հայոց Կաթողիկոսն իր օրհնությունը բաշխեց Մայր Աթոռ ժամանած ուխտավորներին



Նոկտեմբերի 19-ին Մայր Աթոռ Սուրբ Էջմիածնում Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը հայրապետական իր օրհնությունը բաշխեց «Մեր ձևով» շարժման կողմից դեպի համայն հայության հոգևոր կենտրոն կազմակերպված ուխտագնացության հազարավոր մասնակիցներին:

Միաձուլվելով Մայր Տաճարում Նորին Սրբության հանդիսապետությամբ կատարվեց միասնական աղոթք, որից հետո Վեհափառ Հայրապետն իր պատգամը բերեց ներկա ուխտավոր ժողովրդին:

«Սիրելի ուխտավոր զավակներ, հայրապետական օրհնությամբ ողջունում ենք Ձեզ Մայր Աթոռ Սուրբ Էջմիածնում, որտեղից սերնդեսերունդ հայոց կյանքին փոխանցվել են տերունաշնորհի հավատքը, հայրենամիջությունն ու ազգային ոգին:

Ձեր ուխտագնացությունը դեպի Սուրբ Էջմիածին վկայում է ձեր սիրտ և անսակարկ նվիրվածության մասին հանդեպ մեր Սուրբ Եկեղեցին և ազգային արժեքները: Սուրբ Էջմիածնով է դարերի հուլովույթում միշտ



միասնական ու անցկուն մնացել մեր ժողովուրդը:

Այսօր մեր հայրենիքը կանգնած է լրջագույն մարտահրավերների առջև: Արտաքին ծանր սպառնալիքները զուգակցվում են ազգային արժեքների և ինքնության նվիրագործված ընկալումների խեղմամբ, ներքին

պառակտվածությամբ, որն ավելի է խորանում անհանդուրժողության ու ատելության սերմանումով՝ առաջ բերելով նոր բաժանումներ:

Մեր սրտերը ծանրացած են՝ տեսնելով, թե ինչպես են քաղաքական որոշումով, կեղծ ու շինծու մեղադրանքներով ազատագրվում նվիրյալ հայորդիներ, եկեղեցականներ Տ. Միքայել արք. Աջապահյանը, Տ. Բագրատ արք. Գալստանյանը, Տ. Սկրտիչ եպս. Պռոշյանը, Տ. Գարեգին քնն. Արսենյանը, ազգային մեծանուն բարերար Տիար Սամվել Կարապետյանը և այլ քաղաքացիական անձեր: Մեր սերը, մեր աղոթքները նրանց հետ են, և հավատում ենք, որ Աստծո օգնությամբ կարող կլինենք վերականգնել արդարությունը, որպեսզի ազատ արձակվեն ապօրինաբար բանտարկված մեր զավակները, մեր եղբայրներն ու քույրերը:

Սիրելիներ, Մեր գնահատանքն ենք բերում ամենքիդ՝ հանդեպ մեր Սուրբ Եկեղեցին դրսևորած ձեր հավատարմության և այս խռովահույզ օրերին հոգևորականներին ցուցաբերած զորակցության համար: ➔ էջ 3

Ամենայն Հայոց Կաթողիկոսն իր օրհնությունը բաշխեց Մայր Աթոռ ժամանած ուխտավորներին



✚ Էջ 2

Հակառակ իշխող ուժի կողմից հակաեկեղեցական դատապարտելի գործողությունների՝ մեր Սուրբ Եկեղեցին անսասան է, հզոր՝ հավատավոր մեր ժողովրդով, և նույն մախանձախնդրությամբ շարունակելու է արդյունավորել տերունավանդ իր առաքելությունը՝ հետամուտ լինելով նաև մեր ազգի և հայրենիքի շահերի պաշտպանությանը:

Մեր կոչն է հավատավոր Մեր զավակներին՝ ամուր մնալ, չտկարանալ, չընկրկել մեզ բաժին ընկած դժվարությունների ու փորձությունների առջև, այլ առաջ ընթանալ առաքելապատվեր քաջությամբ, թե՛ «Աստված մեզ երկչոտության ոգի չտվեց, այլ զորության, սիրո և զգաստության» (Բ Տիմ. 1.7):

Միասնաբար, համատեղ ջանքերով ամրապնդենք հույսն ու հավատը մեր կյանքում, բարին ու խաղաղությունը մեր երկրում:

Համերաշխությամբ ու միաբանությամբ կարող պիտի լինենք իրագործելի դարձնել պետության հզորացման և հայրենիքի շինության մեր համընդհանուր տեսլքները:

Աղոթում ենք, որ Ամենակալ Աստված իր Սուրբ Աջով պահպանի մեր հայրենիքը, Հայաստանյայց Առաքելական մեր Սուրբ Եկեղեցին և զորացնի մեր ժողովրդին՝ ամնկուն ոգով դիմագրավելու բոլոր մարտահրավերները: Թող Տերը ապահովություն ու բարություն պարգևի ազգիս հայոց ի Հայաստան և ի սփյուռք աշխարհի այսօր և միշտ և հավիտյանս. ամեն:

Ձեր ուխտն ի կատար, սիրելիներ:

Հայտարարություն

Եկեղեցու նկատմամբ ՀՀ իշխանությունների կողմից չընդհատվող հալածանքները վերջին օրերին արտահայտվեցին ամօրինակ նոր դրսևորումներով: Արագածոտնի թեմի Հովհաննավանդուն Սուրբ Պատարագի նվիրական անվան ներքո իրականացված սրբապիղծ բեմականացումից հետո, իրավապահների անմիջական մասնակցությամբ և խոչընդոտող խմբերի ներգրավմամբ, բռնազավթված է Հովհաննավանդը, որի հետևանքով խաթարվում է տեղում ծառայության նշանակված Տեր Սարգիս քին. Սարգսյանի և Տեր Մանուկ քնի. Ջեյմալյանի հոգևոր ծառայությունը: Միաժամանակ խոչընդոտող խմբերի կողմից սպառնալիքներ ու բռնության կոչեր են հնչում ծառայության նշանակված հոգևորականների նկատմամբ:

Հարկ ենք համարում արձանագրել, որ իշխանությունների հովանավորմամբ Հով-

հաննավանդուն ծիսակատարությունների անվան տակ կատարվող գործողությունները պղծություն են, չունեն հոգևոր որևէ արժեք և անվավեր են, իսկ Հովհաննավանդի եկեղեցին ենթակա է վերադարձվել:

Մայր Աթոռ Սուրբ Էջմիածինը հետամուտ է լինելու օրինական բոլոր ճանապարհներով Հովհաննավանդի նկատմամբ իր իրավունքների վերականգնմանը, խղճի ազատության դեմ ոտնձգությունների հետևանքների վերացմանը, հավատացյալների հոգևոր-կանոնական կյանքի պաշտպանությանը և եկեղեցականների բնականոն ծառայության ապահովմանը:

Աղոթում ենք, որ Ամենակալ Տերն ապահով ու անվտանգ պահի մեր երկիրը և անսասան մեր Սուրբ Եկեղեցին: Ամեն:

**Մայր Աթոռ Սուրբ Էջմիածին
30.10.2025 թ.**

Ի Տեր ննջեց

Տ. Գիսակ արքեպիսկոպոս Մուրադյանը

Խոր ցավով հայտնում ենք, որ հոկտեմբերի 25-ին, կյանքի 74-րդ տարում, երկարատև հիվանդությունից վախճանվել է Մայր Աթոռ Սուրբ Էջմիածնի երիցագույն միաբաններից Տ. Գիսակ արքեպիսկոպոս Մուրադյանը:

Ն. Ս. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթո-

ղիկոսը և Մայր Աթոռ Սուրբ Էջմիածնի միաբանությունը խորապես սգում են լուսառոգի Գիսակ Սրբազանի մահը:

Յիշատակն արդարոյն օրհնութեամբ եղիցի:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

Նոր Նշանակումներ

Ն. Ս. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հայրապետական տնօրինությամբ կատարվել են եկեղեցականների նոր նշանակումներ:

Հոգեշնորհ Ս. Ոսկան արքեպիսկոպոսը, ազատվելով Մայր Աթոռի Միջեկեղեցական հարաբերությունների բաժնում ստանձնած պարտականություններից, ուսումնառության է կոչվել Ֆինլանդիայում:

Հոգեշնորհ Ս. Վիրապ արքեպիսկոպոսը, առանց ուսումնառության է կոչվել Աթենքի պետական համալսարանում՝ ազատվելով Քրիստոնեական դաստիարակության կենտրոնում ստանձնած պարտականություններից:

Արժանապատիվ Ս. Արամ քահանա Թիլիքյանը ծառայության է կոչվել Իսպանիայում՝ Արևմտյան Եվրոպայի Հայրապետական Պատվիրակի իշխանության ներքո:

Կարգալույծ է հռչակվել Տ. Արամ քահանա Ասատրյանը

Նոկտեմբերի 21-ին Ն. Ս. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հայրապետական տնօրինությամբ կարգալույծ է հռչակվել Տ. Արամ քահանա Ասատրյանը:

Տնօրինության համար հիմք են ծառայել Արագածոտնի թեմի առաջնորդի զեկուցագիրը և Հայաստանյայց Առաքելական Սուրբ Եկեղեցու Մայր Աթոռ Սուրբ Էջմիածնի Պարզևների շնորհման և կարգապահական հարցերի հանձնախմբի եզրակացությունն առ այն, որ Տ. Արամ քահանա Ասատրյանը՝

ա) Հրապարակային ելույթներով ու հայտարարություններով վարկաբեկել է Հայ Եկեղեցին, թեմակալ առաջնորդին և ծառայակից եկեղեցականներին,

բ) Անտեսելով թեմակալ առաջնորդի հորդորներն ու հրահանգները՝ հարատևել է կարգազանց ընթացքի մեջ,

գ) Վերջին մեկ ամսվա ընթացքում պատրագներին կամայականորեն գեղջել է Ամենայն Հայոց Կաթողիկոսի և թեմակալ առաջնորդի անունների հիշատակության հատվածը՝ այդ քայլով, ըստ էության, իրեն դուրս դնելով եկեղեցուց,

դ) Երիցս համառել է ներկայանալ հանձնախմբի նիստերին՝ շրջանցելով վերջինիս հեղինակությունը ու իրավասությունները, ինչպես նաև իր անարգալից վարքագծով դրժել հնազանդության ուխտը:

Կարգալույծ եկեղեցականն այսուհետ կդասվի աշխարհականների շարքին՝ Ստեփան Ասատրյան ավագանի անունով:

Տոն Գյուտ Խաչի

«Ամճառելի երևումն երևեալ դշխոյին, մատելով յատենի՝ Երուսաղէմ, խնդրէր զպատուական Փայտ Խաչին, յոր Ձմեւսիայն բնեռեցին: Մեծասաստ հրամանն ժողովեալ իրէից, ցուցանելով նմա զպատուական Փայտ Խաչի, յոր ելեալ բարձրացաւ Արարիչն արարածոց: Ընդ յայտնիլ Սրբոյ Խաչին ի տեղւոջն սրբութեան, բուրմամբ անուշահոտ խնկոց և լցան տիեզերք մեծապէս պարգևօք»

(Շարակնոց):

Գյուտ Խաչի տոնը Խաչին նվիրված չորս տոներից վերջինն է և տոնվում է Խաչվերացի յոթ շաբաթ անց: Խաչելությունից հետո Տիրոջ խաչափայտի տեղի մասին Ավետարանները որևէ տեղեկություն չեն հաղորդում, սակայն բացը լրացվում է Սրբազան ավանդությամբ: Հիսուսի համբարձումից հետո Կենարար խաչափայտը գտնվում էր Գողգոթայում, քանի որ աշխարհի Փրկչին խաչեցին այդտեղ: Տիրոջ խաչը տարիներ շարունակ այդտեղ էր մնացել լքված ու մոռացված:

Ավանդության համաձայն՝ Երուսաղեմի առաջին եպիսկոպոս Հակոբոս Տյառնեղբոր օրոք՝ զարմանալի մի օր, մանկական խաղի ժամանակ, մի կաղ երեխա պատահաբար դիպչում է Տիրոջ խաչափայտին և բժշկվում: Այս իրադրությունը տարածվում է ողջ Երուսաղեմում, և ամեն կողմից բժշկվելու մեծ փափագ ունեցողներ շտապում են հասնել Գողգոթա: Երուսաղեմ եկածները ևս բժշկվում են, ապա Տյառնեղբայրն իր խնամքի տակ է վերցնում երեք խաչափայտերը, սակայն հրեաները հափշտակվում են դրանք:

Այս ընթացքում Հռոմի Կլավդիոս կայսեր կինը՝ Պատրոնիկեն, Հռոմում Պետրոս առաքյալի քարոզչությամբ քրիստոնյա է դառնում: Նա որոշում է իր զավակների հետ Երուսաղեմ ուխտի գնալ՝ շրջելու տերունական վայրերում և երկրպագելու: Այստեղ Պատրոնիկեն հանդիպում է Հակոբոս Տյառնեղբորը և շրջելով Սուրբ վայրերում՝ մտախոհվում է խաչափայտի ճակատագրով, քանի որ Տյառնեղբայրը ներկայացրել էր հրեաների բացահայտ թշնամանքն ու ատելությունը իրենց՝ քրիստոնյաների հանդեպ, ինչպես նաև վերջին իրադարձությունները: Թագուհին, տեղեկանալով այս ամենի մասին, վշտանում է և իր մոտ կանչում հրեա մեծամեծներին ու քահանաներին՝ պահանջելով Տիրոջ խաչափայտը: Ապա թագուհին իր ջբախմբով գնում է այն վայրը, որտեղ գտնվում էին հրեաների թաքցրած երեք խաչափայտերը: Թագուհին, տեսնելով խաչափայտերը, մտածում էր, թե այդ երեքից որն է Տիրոջ խաչափայտը: Այդ ժամանակ նրա դուստրերից մեկը հանկածամահ է լինում, և թագուհին ծնկաչոք աղոթում է Տիրոջն իր մահացած դստեր համար: Միմյ Թագուհին արտասովալից աղոթում էր, նրա որդիներից մեկն ասում է, որ սա աստվածային նախախնամություն է, որպեսզի սրամով հայտնի դառնա, թե այս երեք խաչափայտերից որն է Քրիստոսինը («Գանձասար» աստուածաբանական հանդես, հտ. 2, երևան, 1998, էջ 112–114):

Մեռած աղջկան հաջորդաբար դնում են երեք խաչափայտերի վրա. երբ դնում են աջակողմյան ավագակի խաչի վրա, ոչ մի

օգուտ չի լինում, իսկ երբ ձախակողմյան ավագակի խաչի վրա են դնում, բացվում է աղջկա աջ աչքը: Հենց դնում են Տիրոջ խաչի վրա, աղջիկը կենդանանում է, և ներկաները, տեսնելով այս ամենը, խոնարհվում են ու երկրպագում Տիրոջ խաչափայտը: Թագուհին Տիրոջ խաչափայտը հանձնում է Հակոբոս Տյառնեղբորը և դրանով իսկ ավարտում Երուսաղեմում իր ուխտագնացությունը, ապա զոհունակ սրտով վերադառնում Հռոմ՝ իր հետ տանելով խաչափայտից մի մասունք:

Երբ վախճանվում է Կլավդիոս կայսրը, իշխանությունն անցնում է Ներոնին, որը սաստիկ հալածանքներ է սկսում քրիստոնյաների դեմ: Հրեաներն էլ, օգտվելով պատեհ առիթից, սպանում են Տյառնեղբորը և խաչափայտը թաղում Գողգոթայում մի խոր փոսի մեջ՝ այն վերածելով աղբանոցի:

Շուրջ երեք հարյուր տարի Տիրոջ խաչափայտը մնում է լքված ու անհայտության մեջ, մինչև որ Կոստանդիանոս կայսեր մայրը՝ Սուրբ Հեղինեն, տեսիլքով Տիրոջից հրաման է առնում գնալ Երուսաղեմ, փնտրել ու գտնել խաչափայտը: Սուրբ Հեղինեն Երուսաղեմ է գալիս զորքով ու մեծ փառքով:

Այդ ժամանակ Երուսաղեմի եպիսկոպոսը Մակարիոսն էր: Գալով Երուսաղեմ՝ սրբուհին երկար փնտրություններից հետո պարզում է, որ Հուդա անունով մի հրեա գիտի խաչափայտի տեղը, բայց չի ցանկանում հայտնել: Թագուհին ճարահատյալ իրամայում է նրան բանտարկել և խոշտանգումների ենթարկել: Հուդան, վեց օր առանց հացի մնալով մի ցամաքած ջրհորի հատակում, վերջապես հարկադրաբար որոշում է հայտնել խաչափայտի

վայրը, և թագուհին Գողգոթայում ձեռնարկում է խաչափայտի որոնումներին: Ի վերջո երեք խաչ է գտնվում, սակայն որևէ տարբերակիչ նշան չկար, որով կարողանային զանազանել, թե որն է Փրկչի խաչը: Այդ ժամանակ սգո թափոր էր անցնում նրանց մոտով, և տեսնելով նրանց՝ թագուհին իրամայում է մահացածին իրենց մոտ բերել: Ապա պատվիրում է մեռածին դնել երեք խաչերից յուրաքանչյուրի վրա, և երբ երրորդ խաչի վրա են դնում, նա կենդանանում է: Դրանով հայտնի է դառնում, որ այն հենց Հիսուս Քրիստոսի խաչափայտն է: Եվ Երուսաղեմի Կյուրեղ հայրապետը Տիրոջ խաչափայտը բարձրացնում է ի տես հավատացյալների: Սուրբ Հեղինեն, բացի խաչափայտը գտնելուց, Տիրոջ գերեզմանի վրա կառուցել է տալիս Սուրբ Հայրության տաճարը, ապա վերադառնում Հռոմ (Թորգոմ պատրիարք, Սուրբ և տօնք Հայաստանյայց Եկեղեցույ, Երուսաղեմ, 1939, էջ 315):

Խաչափայտը գտնելուց հետո սրբուհին իրամայում է այն պատել ոսկով ու պատվական քարերով: Խաչափայտի գտնվելու վայրն իմացող Հուդան, տեսնելով իրաշքը, մկրտվում է, վերանվանվում Կյուրեղ, որից հետո քահանա է ձեռնադրվում, որոշ ժամանակ անց էլ դառնում Պաղեստինի վիճակներից մեկի եպիսկոպոսը:

Առաջին հայացքից կարող են ասել՝ խաչը, մահապատժի սոսկալի գործիք լինելով, ինչպես կարող է քրիստոնյաների համար լինել հավատի նշան, իսկ Գողգոթան ուխտավայր, որ անգամ Սուրբ Հեղինեն աշխարհի մայրաքաղաք Հռոմից եկավ ուխտի Սուրբ երկիր՝ գտնելու խաչափայտը: ➡ Էջ 7

Հիսուս Քրիստոսի կերպարի առանձնահատկությունները՝ ըստ չորս ավետարանիչների


Ներածություն

Նոր Կտակարանի կանոնում առկա է չորս Ավետարան՝ Մատթեոսի, Մարկոսի, Ղուկասի և Հովհաննեսի հեղինակությամբ, որոնք ներկայացնում են Հիսուս Քրիստոսի կյանքի, հրաշքների, վարդապետության, մահվան, հարության և համբարձման պատմությունը։ Չնայած ընդհանուր թեմային՝ յուրաքանչյուր Ավետարան առանձնանում է հեղինակային յուրահատկություններով, մշակությամբ և պատմական միջավայրով, ոճով ու լեզվով, Հիսուսի կերպարի ներկայացման ինքնատիպությամբ։

Մատթեոս ավետարանիչ

Մատթեոսի Ավետարանը հատկանշվում է նրանով, որ այն հստակորեն կապում է Հիմ և Նոր Կտակարանները՝ ցույց տալով, թե ինչպես են Հիմ Կտակարանի մարգարեություններն իրագործվում Քրիստոսի անձով և գործերով։ Հեղինակը բազմիցս օգտագործում է հինկտակարանյան մեջբերումներ՝ հաստատելու, որ Հիսուսն է սպասված Մեսիան։

Մատթեոսի կերպարն ուրվագծվում է որպես իրավաբանական և հրեական ավանդույթներին հարազատ ու քաջածանոթ հեղինակ։ Առհասարակ, հրեա ազգը՝ մանավանդ առաջին դարում ապրող հրեաների մեծ մասը, անգիր, իսկ մյուսներն էլ նախնիներից ստացած տպավորության մակարդակով տիրապետում էին ամբողջ Սուրբ Գրքի բովանդակությանը՝ մարգարեություններին, պատմական գրքերին և սաղմոսներին ու առակներին, որ ամենից գործածելիքն էին։ Այս ամենը խորը գիտակցելով և լինելով Սուրբ Գրքին բնագրային մակարդակով քաջատեղյակ անձ՝ իր Ավետարանը Մատթեոսն ուղղել է մեծ մասամբ հրեա ժողովրդին՝ քրիստոնյա դարձնելու և Փրկությունը քարոզելու նպատակադրումով։ Այս մասին չի վկայում ոչ ինքը՝ Մատթեոսը, և ոչ էլ՝ այլ հեղինակ, սակայն Ավետարանի ոճը, պատկերային համակարգը, հինկտակարանյան վկայությունները և կարևոր այլ հայեցակետեր ենթադրում են դա։ Եթե մյուս ավետարանիչները ծավալում, համգամանալից և բացատրական ոճով էին գրի առնում, ապա Մատթեոս ավետարանիչը միայն ամփոփ նկարագրում է դրվագը, բանի որ ընթերցող հասցեատերերը, որ հրեաներ էին, հստակ գիտեին և՛ իրենց ազգային ավանդույթները, և՛ մեջբերված հինկտակարանյան հատվածները։ Քանի որ Մատթեոսի Ավետարանը նախատեսված է հրեա ընթերցողների համար, և հասցեատերը հրեա հանրությունն է, հեղինակը հաճախ ընդգծում է Հիսուսի կողմից սաղմոսների և մարգարեությունների իրագործումը։ Օրինակ՝ երբ ավետարանիչը նկարագրում է Հովսեփին տրված հայտնությունը, թե Մարիամը Սուրբ Հոգուց է հղացած և Որդի պիտի ծնի, ու նրա անունը Հիսուս կալվել է ղենն, շարունակելով՝ շեշտում է. «Այս ամենը եղավ, որպեսզի իրականանար Տիրոջ կողմից մարգարեի միջոցով ասվածը» (Մատթ. Ա 22) — «Ահա կույսը կհղիանա և որդի կծնի, և նրան կկոչեն Էմմանուել» (Ես. Է 14)։ Երբ Հերովդեսը հրամայում է սպանել մանկանց, հեղինակը հիշեցնում է Երեմիա մարգարեի խոսքերը. «Ռամայում լաց լավեց, որը ու սաստիկ լացուկոծ. Ռաբելը լալիս էր իր զավակների վրա ու չէր ուզում մխիթարվել, որովհետև նրանք չկային» (Մատթ. Բ 18) — «Ռամայում մի ձայն լավեց, դառնագին ողբ, լաց. Ռաբելն իր տղաների համար է լալիս, մերժում է մխիթարվել իր որդիների համար, որոնք չկան» (Երեմ. ԼԱ 15)։ Նույնպես՝ երբ Հիսուսը գնում է Նազարեթ, Մատթեոսը հավելում է. «Որպեսզի կատարվի այն, ինչ ասվել էր մարգարեների միջոցով՝ Նազարեթի կոչվելի» (Մատթ. Բ 23)։ Մեկ այլ դրվագում ավետարանիչն առաջին դեմքով գրի է առնում Քրիստոսի խոսքը, որտեղ անուղղակի կերպով անդրադառնում է ողջ Հիմ Կտակարանին. «Մի՛ կարծեք, թե ես եկա օրենքը կամ մարգարեներին ջնջելու. ես չեկա ջնջելու, այլ լրացնելու» (Մատթ. Ե 17)։ Մատթեոսը ներկայացնում է Հիսուսին՝ որպես միակ



Հիսուս Քրիստոսի պատկերը՝ Հենրիխ Յոհաննիս Բրիստոսը և հարուստ երիտասարդ իշխանը՝ կտավից, 1889 թ.

Աստծո խոստման, մարգարեների կողմից Մեսիայի գալուստի ազդարարման կատարյալ լրումն՝ դրանով իսկ ամփոփելով ամեն օրենք և մարգարեություն հենց Քրիստոսով։ Ամբողջ Ավետարանում Մատթեոսը շարունակական կամուրջ է կառուցում՝ հմից դեպի նորը՝ ընդգծելով, որ Քրիստոսը ոչ թե նոր օրենք է բերել, այլ կատարել է Տիրոջ խոստումները։

Մարկոս ավետարանիչ

Մարկոսը՝ Պետրոսի աշակերտը, իր Ավետարանը գրել է որպես հակիրճ, գործնական, կենտրոնացված պատմություն։ Նրա Ավետարանը, ի տարբերություն մյուսների, հարստախարվածներին ազատ արձակելու, Տիրոջ ընդունելի տարին քարոզելու» (Ղուկ. Դ 18–19, հմմտ. Ես. ԿԱ 1–2)։ Ավետարանիչը Քրիստոսի մարդասիրությունը լավագույնս ներկայացրել է հենց Քրիստոսի պատմած «Անառակ որդու առակի» (Ժ 11–32) հոր կերպարով, սակայն այդ ամենի յուրովի ներկայացմամբ ավետարանիչը կարողացել է ձեռք բերել մի յուրահատկություն, ըստ որի՝ Քրիստոսի մարդասիրությունը ոչ միայն հրեա հասարակության համար է և հասկանալի նրանց, այլև առավելաբար համամարդկային է և համայն մարդկության համար։ Նրա Ավետարանը մանրամասն պատմում է հրաշագործություններ, աղոթքներ և առակներ՝ ցույց տալով Հիսուսի հոգևոր խորությունը և մարդկային կարեկցանքը։ Ղուկասի Ավետարանն առանձնանում է խոր մարդկայնությամբ, պատմական ճշգրտությամբ և համընդհանուր տեսլականով։ Ավետարանիչը Հիսուս Քրիստոսին ներկայացնում է որպես մարդկության փրկիչ, ոչ միայն Իսրայելի ժողովրդի, այլև բոլոր ազգերի, հասարակության բոլոր շերտերի և հատկապես մերժվածների ու կարիքավորների Մեսիայի։ Ղուկասը բժիշկ էր. «Ողջունում են ձեզ Ղուկասը՝ սիրելի բժիշկը, և Դեմասը» (Կող. Դ 14), և դա զգացվում է նրա գրության հոգեբանական նուրբ դիտարկումներում, կարեկցական վերաբերմունքում, մարդկային ցավի խոր ըմբռնման մեջ։ Ավետարանն սկսվում է ոչ թե Քրիստոսի աստվածային փառահեղ նկարագրությամբ, այլ համեստ պատմությամբ մի մոր մասին, որ խոստով լի գոմում «ծնեց իր անդրամիկ որդուն, խանձարուրի մեջ փաթաթեց, դրեց մսուրի մեջ, որովհետև իջևանատանը նրանց համար տեղ չկար» (Ղուկ. Բ 7)։ Այս տեսարանը խորհրդանշում է այն, ինչ Ղուկասը ցանկանում է փոխանցել

թյունը. հենց այս պատճառով հռոմեական հազարապետը խաչի տակ վկայում է. «Այս մարդն իսկապես Աստծո Որդին էր» (Մարկ. Ժ 39բ)։

Ղուկաս ավետարանիչ

Ղուկաս ավետարանիչը, որ հայտնի էր որպես բժիշկ և Պողոսի ուղեկից, իր Ավետարանում առանձնահատկություն է տալիս Հիսուսի մարդասիրությանը և սոցիալական արդարությանը. «Տիրոջ Հոգին ինձ վրա է, որովհետև ինձ օծեց և ինձ ուղարկեց աղքատներին բարի լուրը ավետելու, սրտով բեկյալներին բժշկելու, զերիներին ազատություն քարոզելու և կույրերին՝ տեսողություն, հարստախարվածներին ազատ արձակելու, Տիրոջ ընդունելի տարին քարոզելու» (Ղուկ. Դ 18–19, հմմտ. Ես. ԿԱ 1–2)։ Ավետարանիչը Քրիստոսի մարդասիրությունը լավագույնս ներկայացրել է հենց Քրիստոսի պատմած «Անառակ որդու առակի» (Ժ 11–32) հոր կերպարով, սակայն այդ ամենի յուրովի ներկայացմամբ ավետարանիչը կարողացել է ձեռք բերել մի յուրահատկություն, ըստ որի՝ Քրիստոսի մարդասիրությունը ոչ միայն հրեա հասարակության համար է և հասկանալի նրանց, այլև առավելաբար համամարդկային է և համայն մարդկության համար։ Նրա Ավետարանը մանրամասն պատմում է հրաշագործություններ, աղոթքներ և առակներ՝ ցույց տալով Հիսուսի հոգևոր խորությունը և մարդկային կարեկցանքը։ Ղուկասի Ավետարանն առանձնանում է խոր մարդկայնությամբ, պատմական ճշգրտությամբ և համընդհանուր տեսլականով։ Ավետարանիչը Հիսուս Քրիստոսին ներկայացնում է որպես մարդկության փրկիչ, ոչ միայն Իսրայելի ժողովրդի, այլև բոլոր ազգերի, հասարակության բոլոր շերտերի և հատկապես մերժվածների ու կարիքավորների Մեսիայի։ Ղուկասը բժիշկ էր. «Ողջունում են ձեզ Ղուկասը՝ սիրելի բժիշկը, և Դեմասը» (Կող. Դ 14), և դա զգացվում է նրա գրության հոգեբանական նուրբ դիտարկումներում, կարեկցական վերաբերմունքում, մարդկային ցավի խոր ըմբռնման մեջ։ Ավետարանն սկսվում է ոչ թե Քրիստոսի աստվածային փառահեղ նկարագրությամբ, այլ համեստ պատմությամբ մի մոր մասին, որ խոստով լի գոմում «ծնեց իր անդրամիկ որդուն, խանձարուրի մեջ փաթաթեց, դրեց մսուրի մեջ, որովհետև իջևանատանը նրանց համար տեղ չկար» (Ղուկ. Բ 7)։ Այս տեսարանը խորհրդանշում է այն, ինչ Ղուկասը ցանկանում է փոխանցել

ամբողջ Ավետարանում. Աստված իջնում է մարդկանց ամենաստորին, ամենահասարակ միջավայր, որպեսզի փրկի բոլորին։ Ղուկասի Ավետարանում Հիսուս խոր կարեկցանք է ցուցաբերում մարդկանց ցավի նկատմամբ. «Եվ Նա, Իր ձեռքը մեկնելով, դիպավ նրան ու ասաց. «Կամենում եմ, մաքրվիր»։ Եվ բորոտությունն իսկույն նրա վրայից անցավ» (Ղուկ. Ե 13), հուզվում է նրանց վշտով և մեծագույն հրաշք գործում. «Տերը, նրան տեսնելով, գթաց ու ասաց. «Մի՛ լար»։ Եվ մոտենալով դիպավ դագաղին. դագաղը տանողները կանգնեցին։ Եվ ասաց. «Պատահի՛, քեզ եմ ասում, վեր կաց»։ Մեռելը վեր կացավ, մատեց ու սկսեց խոսել։ Եվ Հիսուսը նրան իր մոլոր տվեց» (Ղուկ. Ե 13–15), թողություն տվեց մեղավորներին, որոնք զղջում են. «Եվ այդ կնոջն ասաց. «Քո մեղքերը ներված են քեզ»» (Ղուկ. Ե 48)։ Այս դրվագներում Քրիստոս ոչ միայն բժշկում է մարմնական հիվանդությունները, այլև վերականգնում մարդկային արժանապատվությունը։ Ղուկասը նաև միակն է, որ ընդգծում է կանանց դերակատարությունը և նրանց հավատը՝ հիշելով Մարիամին, Եղիսաբեթին, Աննա մարգարետիուն, Մարթային ու Մարիամին։ Միաժամանակ նա Քրիստոսի անձով ցույց է տալիս, որ աստվածային փրկությունը հասանելի է բոլորին՝ առանց սոցիալական, սեռական կամ ազգային տարբերությունների։ Ուստի, Ղուկասի Ավետարանը Հիսուսին ներկայացնում է որպես գթասիրտ Բժշկի և կարեկից Փրկչի, Որ եկել է փրկելու «կորածներին». «...որովհետև Մարդու Որդին եկել է կորածին փնտրելու ու փրկելու» (Ղուկ. ԺԹ 10)։ Նրա Ավետարանում աստվածային մեծությունը դրսևորվում է խոնարհությամբ, իսկ փրկությունը՝ սիրո և թողության միջոցով։ Ավետարանի յուրահատկություններին է՝ հյուսել մի պատմություն, որտեղ երկնքի փառքը համադրվում է մարդկային ցավի հետ՝ ցույց տալով, որ Աստված ոչ թե հեռացել է մարդուց, այլ իջել է՝ մարդ դառնալու, որ մարդը դառնա աստվածաման։

Հովհաննես ավետարանիչ

Հովհաննեսի Ավետարանն իր բովանդակությամբ ու ոճով արմատապես տարբերվում է մյուս երեք Ավետարաններից։ Եթե Մատթեոսը, Մարկոսը և Ղուկասը (այսպես կոչված՝ համատես Ավետարանները) բնագրային բովանդակությամբ յուրովի ներկայացնում են Հիսուսի երկրային կյանքը, իսկ աստվածայինը տեղ-տեղ թողնում ենթատեքստում և ընթերցողի վերլուծական մտքին ապավինելուն, ապա Հովհաննեսը նպատակ ունի բացառապես խոսել հենց աստվածային էությունը։ Հովհաննեսն սկսում է ոչ թե ծննդյան կամ մկրտության պատմությունից, այլ նախասահմանական գաղտնիքով՝ խոսքով, որը գոյություն ուներ դեռևս աշխարհի ստեղծումից առաջ. «Սկզբում էր Բանը, և Բանը Աստված էր» (Հովհ. Ա 1)։ Այստեղ «Բան» (հուն.՝ Logos) նշանակում է աստվածային խոսք, Նյութ, Սկիզբ, որի միջոցով ստեղծվեց ամեն ինչ։ Եվ Հովհաննեսն այդ նույն Բանը նույնացնում է Հիսուս Քրիստոսի հետ՝ ընդգծելով մարդեղության խորհուրդը. «Եվ Բանը մարմին եղավ ու բնակվեց մեր մեջ, և մենք տեսանք նրա փառքը՝ ինչպես Հոր Միածնի փառքը» (Հովհ. Ա 14)։ Հովհաննեսի նկարագրած Քրիստոս նախևառաջ աստվածային հայտնություն է, Նա ոչ թե պարզապես մարգարե կամ բարոյախոս է, այլ Ինքն է արդարության, ճշմարտության և կյանքի աղբյուրը։ Հովհաննեսի Ավետարանում Հիսուս բազմիցս օգտագործում է «Ես եմ» արտահայտությունը՝ նույնացնելով իրեն Աստծո անվանը, որը հայտնվել էր Մովսեսին՝ ասելով. «Ես եմ, որ է» (Ելք Գ 14)։ Այդորինակ հատվածներից են՝

«Ես եմ կյանքի հացը» (Հովհ. Զ 35),

«Ես եմ աշխարհի լույսը» (Հովհ. Ը 12),

«Ես եմ բարի հովիվը» (Հովհ. Ժ 11),

«Ես եմ հարությունը և կյանքը» (Հովհ. ԺԱ 25),

Տառապանքից դեպի սրբագործում

Հարցազրույց բանաստեղծ Խաչիկ Մանուկյանի հետ

— Պարոն Մանուկյան, 44-օրյա պատե-րազմում ունեցանք անդամալի կորուստ-ներ, և նրանց մեջ՝ Ձեր որդին՝ Վաչագան Մանուկյանը... Կորուստն ու տառապանքը փոխեցի՞մ սիրո, կյանքի և մահվան՝ Ձեր ընկալումները: Ձեր որդին Ձեզ ինչպե՞ս է միավորում հայրենիքի, Աստծո և հավեր-ժության գաղափարների հետ:

— Իմ կյանքի ընթացքը իր հետ եմ շարու-նակում: Դժվար է, երբ քեզանից ուժեղին ես կորցնում, դժվար է նաև, երբ այդ կորստի և կորուստների պատճառ դարձած կառա-վարիչները շարունակում են անպատիժ զվարճանալ՝ մեր զավակների արյունը գա-վերով մատուցելով մեզ, և, ինչպես գիտեք, կան նաև այնպիսիները, որոնք, պարզված գավերն ընդունելով, պատրաստ են ծախել այդ սրբացած արյունը:

Վաչագանը երկինքի և երկրի սահման-ներն առավել մոտեցրեց իրար, փոխեց ժամանակի ընթացքը, սիրո ընկալումնե-րը, ամենահոյակա խորհուրդն ու նշանա-կությունը... Հիմա իր մտքերին, ապրում-ներից, գաղափարներին հաղորդվելով՝ ինձ զգում եմ առավել մաքրագործված, քրիստոնեական արժեքներին խորությամբ առնչվող և իր իսկ պատգամով փորձում եմ ԿԱՐՈՏԻ ԹԱԽԻԾԸ ՈՂԲԵՐԳՈՒԹՅԱՆ ՀԵՏ ՉՇՓՈԹԵԼ: Ինչպես գեներալ Ավետիսյանն ասաց եռաբլուրում, Վաչագանը հասել է այնպիսի սահմանների, որոնց շատ քչե-րին է հաջողվում մոտենալ...

— Ձեր պոեզիայում տառապանքն ունի մարմին, ձայն, կերպար: Դեռ հնագույն ժամանակներից հայտնի է, որ արվես-տը նպաստում է անհատի ֆիզիկական և հոգևոր ապաքինմանն ու ինքնազա-տագործմանը: Ձեր կարծիքով՝ ինչպե՞ս է արվեստն օգնում մարդուն վերապրել և սրբագործել ցավը:

— Ծնողներն ու ուսուցիչներն ուղղոր-դողներ են: Որպես անհատ՝ առավելապես ձևավորվել եմ իմ կարողացած գրքերով: Որոշ հեղինակներ՝ թե՛ հայ, թե՛ օտարագզի, մինչև հիմա ինձ հետ քայլում են ժամա-նակի միջով: Արվեստն օգնում է ազատվել ոգեղենությունը սանձող կապանքներից և նախքան մարմնաթող լինելը՝ զգալ վե-րերկրային ճախրանքը բացարձակ ազա-տության: Ճշմարիտ արվեստն Աստծուն մերժեցնող ճանապարհն է: Երբ բարձրից,



շատ ավելի բարձրից, քան աստղադիտա-րաններն են հնարավորություն տալիս, դի-տում ես մարդկային քո կերպը, չքանում եմ թե՛ ինքնությունդ, թե՛ ցավդ, թե՛ մեծ ու փոքր բոլոր երազանքներդ, որոնք կյանքին ազու-ցող ամրակներ են: Հիմա մոտենում եմ այն տեղին, որտեղ բացակայում են անձնա-կան հարաբերումները, և մեծարենցյան աղոթքը՝ «ՏՐԼ ինձի, ՏՐԼ, ուրախութիւնն անանձնական», տիրական է դառնում...

— Ի՞նչ է տառապանքը Ձեր դիտարկ-մամբ, և կարո՞ղ է այն անձին մղել հոգևոր աճի, անանձնականության ու սրբագործ-ման: Եվ առանց տառապանքի՞՝ հնարա-վոր է արդյոք հասնել հոգևոր սրբագործ-ման:

— Մարդկային տարբեր պարունակե-րող են խթան դառնալ՝ առօրյա երևույթ-ներից դուրս գոյություն ունեցող, շատե-րին անհաղորդ, տարածք ու ժամանակ շրջանցող սահմաններից հաղորդվելու, և դա միայն տառապանքով չէ պայմանա-վորված: Տեղյալն ասում էր. «Սիրտդ թող միշտ խնդա կամ լա — մահ է մթին, երբ լուռ է նա...»:

— Տառապանքը կարո՞ղ է բացահայ-տել մարդու էությունը, որ խաղաղության և ուրախության մեջ կարող էր անտեսված մնալ:

— Վերջնահաշվով՝ կյանքը ողբերգու-թյուն է: Ցնծության անցողիկ պահերը լից-քաթափման համգրվաններ են մոր փորձու-թյուններից առաջ: Միայն տառապանքը չէ, որ ինքնաճանաչման է մղում: Եթե հոգուդ

հայելու մեջ նայելու կարողություն ունես, ապա տեսանելի է քեզ պարզված աստ-վածայինը:

— Ինչպե՞ս է տառապանքի ընկալումը փոխվում, երբ այն դիտարկում ենք Քրիս-տոսի խաչելության գաղափարի ներքո:

— Մի առիթով ասել եմ՝ Աստված Իր Որ-դուն չխնայեց, մեզ ինչն ու պիտի խնայի: Մինչև հիմա Քրիստոսի արյունը թափվում է մոլորակի վրա՝ Վաչագանի և իր նման՝ լույսի ու բարության հաղթանակի մղվող սրբացած հոգիներից... Բայց մենք անհա-ղորդ ենք մնում, մենք շարունակում ենք Կայենի եղբայրասպան ընթացքը: Մենք կուրանում ենք ապրեցնող լույսից և խա-վարի մեջ թաքնվելով՝ փորձում ենք խաղա-ղության խաբկանքը հորինել: Պատմողի փոքրիկ հերոսը, թափառումներից հոգնած, գիշերը ուզում է քնել, բայց սրտի թակոցնե-րը թույլ չեն տալիս, և փոքրիկը սպասում է՝ սիրտը կանգ առնի, որ համգիստ քնի...

— Ձեզ համար կա՞նք կերպար կամ խոր-հրդանիշ, որ մարմնավորում է սրբագործ-ված տառապանքը:

— Հիմա այդ կերպարը Վաչագանն է, որ անվարան ելավ մարտի՝ իր ազգի, իր երկ-րի փրկության համար: Հիմա փորձում եմ վերապրել մեր ապրած օրերը՝ իր մանկու-թյունից մինչև վերջին օրը, և խլված շարու-նակությունն էլ փորձում եմ երևակել...

— Ի՞նչ խորհուրդ կտաք այն մարդկանց, որոնք հոգևոր ճգնաժամի մեջ են և չեն կարողանում վերափոխվել իրենց կյանքը:

— Խորհուրդ կտամ՝ չվախենան կյանքից, բացահայտեն աստվածապարզ հոգու գանձարանի հնարավոր բոլոր ծալքերը, որտեղ մարդուն մարդ պահող ամեն ինչ կա տարբեր իրավիճակների համար:

— Որպես բանաստեղծ և իր կյանքը հայ-րենիքին նվիրաբերած հերոսի հայր՝ ի՞նչ պատգամ ունեք մեր ժողովրդին:

— Ուզում եմ, որ մեր ժողովուրդն օր առաջ դուրս գա այս թմբիրից: Ուզում եմ, որ ինքնաճանաչման մղվելով, սեփական ուժն ու կարողությունը վերագտնելով՝ վեր-ջապես ազատագրվի չարիքի ճիրաններից և ամուր հավատով ու կամքով շարունակի իր հավերժական ուղին:

Հարցազրույցը՝ ԱՆԻ ՆԱԶԱՐՅԱՆԻ

Խաչիկ Մանուկյան. Պոեզիա

* * *

Տղամարդու չեղած դառը արցունքներով, Որ մրմուռ են դառնում, այրում կոկորդն ի վար, Անթիվ կորուստներից իմ պաշարված սիրով Ուզում եմ քեզ հիմա ամուր գրկել ու լալ: Սովից ընդարմացած, հիվանդ հայացքներից, Որոնք չեն ընկալում տեսանելի ոչինչ, Կսարսափեր անգամ այն Հոր երանելին՝ Ուրանալով և՛ Տեր, և՛ փառք, և՛ ամեն ինչ: Ահա, այդ խելագար հայացքների առաջ, Որ սրերի նման փորոտիք են թափում, Արնոտում են բառերն իմ շուրթերը սառած, Որպես մահվան նվազ ցնդող հայրենիքում:

* * *

Ողջ կյանքս՝ պանդոկին նվեր, Եվ հոգիս՝ արյունոտ բազին, Ծախրանքի կարոտ իմ թևեր, Մոխրացեք գինու կրակին: Դիվահար եղավ ու ցնդեց են սիրո զմայլանքն անգին, Երկնքի միակ փառքը մեծ Տեր չեղավ անշառ իմ վարքին: Էլ չունեմ հայրենիք անմեռ, Ինքնիշխան, գորավոր, կարգին, Ողջ կյանքս՝ պանդոկին նվեր, Եվ հոգիս՝ արյունոտ բազին....

* * *

Դուք գնացիք, տղերք, Հայրենիքը մնաց, Որք կարոտն է վազում ձեր թաղերում, Հիշողություններ են փվում ուշագնաց, Տանիքները ճեղքող անձրևներ են մաղում: Ձեր գոցվելու ոչինչ ձեր մեծ սիրո դիմաց, Խորքում՝ անմահության շունչը վերին... Դուք գնացիք, տղերք, Հայրենիքը մնաց, Ինչ բախսան տանենք ձեր մայրերին...

* * *

Ես քարեր եմ հանում հիմա երկինք, Բառ քարեր եմ հանում, ոգի քարեր, Տաճարդ եմ կերտում լուսակնիք Աստծո պարտեզին մոտ՝ ամպերից վեր:

Անանձնական սիրո լապտերներդ Ամրացնում եմ ձգվող ուղիներով, Լամպարներից ինձ ժպտում է Տերը՝ Քո աչքերով, Քո հայացքով ներող:

Ես հուշեր եմ հանում հիմա երկինք՝ Արցունքների փայլով ու շողերով, Որ ոգելով այնտեղ՝ գրկեն կրկին Աստվածային լույսը Քեզ արարող:

Հիսուս Քրիստոսի կերպարի առանձնահատկությունները՝ ըստ չորս ավետարանիչների

← էջ 4

«Ես եմ ճանապարհը, ճշմարտությունն ու կյանքը» (Հովհ. ԺԴ 6):

Այս արտահայտություններով Հովհաննե-սը բացահայտում է Քրիստոսի ներսից բխող աստվածությունը, որը մյուս Ավետարաննե-րում ներկայացված է հիմնականում Նրա գործերի միջոցով: Հովհաննեսի Ավետարա-նում Հիսուսը նաև առավել մտերմիկ է. Իր աշակերտների հետ խոսում է սիրո, հավա-տի և միության մասին: Վերջին ընթրիքի ժա-մանակ Նա ասում է. «Նոր պատվիրան եմ տալիս ձեզ, որ սիրեք միմյանց, ինչպես ես սիրեցի ձեզ» (Հովհ. ԺԳ 34): Այստեղ Քրիս-տոսի աստվածությունը դառնում է սիրո մի-ջոցով դրսևորված իրականություն, և հենց այդ սերն է, որ մարդուն դարձնում է աստ-վածային կյանքի մասնակից: Ավետարանիչ Հովհաննեսի յուրահատկությունն այն է, որ նա չի կենտրոնացնում միայն պատմական փաստերի վրա, այլ խորապես թերապև-տիկ և մետաֆիզիկական տեսանկյունից է բացահայտում Հիսուսին՝ որպես մարմ-նացած Բանի, Որը եկել է «....լույս տալու մարդկանց» (Հովհ. Ա 9): Նրա Ավետարա-նում Քրիստոս ոչ թե պարզապես պատմա-կան հերոս է, այլ հավիտենական Լույս, Որի ներկայությունը վերափոխում է աշխարհն ու մարդուն: Ուստի, Հովհաննեսի Ավետա-րանը բացում է Հիսուսի աստվածային ինքնության խորագույն խորհուրդը՝ ցույց

տալով, որ Քրիստոս նույն Աստվածն է, Որն սկզբից էր, և Որը մարմնավորվեց, որպես-զի մարդուն հաղորդակից դարձնի հավի-տենական կյանքին. «Սա է հավիտենական կյանքը՝ որ ճանաչեն քեզ, միակ ճշմարիտ Աստծուն, և այն, ում դու ուղարկեցի՝ Հի-սուս Քրիստոսին» (Հովհ. ԺԵ 3):

Եզրակացություն

Ավետարանների համեմատական դիտար-կումը ցույց է տալիս, որ չորս ավետարա-նիչներից յուրաքանչյուրն իր առանձնահա-տուկ տեսանկյունից է ներկայացնում Հիսուս Քրիստոսին՝ ընդգծելով Նրա աստվածային և մարդկային էության տարբեր կողմերը:

Մատթեոսը Քրիստոսին ներկայացնում է որպես Հիմ Կտակարանի մարգարեություն-ների իրականացման, որպես խոստացված Մեսիայի և Թագավորի, որ եկել է՝ հաստա-տելու երկնային արքայությունը: Նրա համար Հիսուս նախառաջ Օրենքի կատարողն է, ոչ թե խախտողը. «....չեկա ջնջելու, այլ՝ լրաց-նելու» (Մատթ. Ե 17): Մատթեոսը ցույց է տալիս, որ Հիսուսի կյանքի յուրաքանչյուր քայլ համապատասխանում է մարգարեների խոսքերին՝ ընդգծելով աստվածային ծրագրի շարունակականությունը:

Մարկոսը, ընդհակառակը, շեշտադ-րում է Հիսուսի մարդկային կողմը: Նրա

համար Քրիստոս Աստծո Որդին է, սակայն իրական մարդ՝ հոգնած, տրտմած, գթա-ռատ և երբեմն անգամ զայրացած: Մար-կոսի Ավետարանը գործողությունների և ապրումների պատմություն է. այստեղ Հիսուս գործում է հզորությամբ, բայց ապ-րում մարդկային ցավի ամբողջ խորությու-նը: Այս կերպ Մարկոսը ցույց է տալիս, որ աստվածային զորությունը բացահայտ-վում է մարդկային խոնարհությամբ և տա-ռապանքով:

Դուկասը Հիսուսին ներկայացնում է որ-պես մարդկության համընդհանուր Փրկիչ: Նրա Ավետարանում Տերը հայտնվում է որ-պես կարեկից Բժիշկ, որ բերում է փրկու-թյուն բոլորին՝ առանց տարբերության՝ հարուստ թե՛ աղքատ, հրեա թե՛ հեթանոս: Դուկասն առանձնացնում է իր մարդասիրու-թյամբ և հոգեբանական խորությամբ. այս-տեղ Հիսուսի յուրաքանչյուր հրաշք և առակ ընդգծում է Աստծո ողորմածությունն ու նե-րողամտությունը:

Հովհաննեսը Հիսուսին ներկայացնում է ոչ թե որպես պատմական գործիչ, այլ որպես մարմնացած աստվածային Բանի (Λόγος): Նրա Ավետարանում Քրիստոս հավիտենա-կան էությունից եկած Լույսն է, որ մարմնա-վորվեց, որպեսզի մարդուն հաղորդակից դարձնի աստվածային կյանքին: Հովհան-նեսի Քրիստոսը բացահայտում է աստվա-ծության խորքը, և հենց Նա է ասում. «Ես եմ

ճանապարհը, ճշմարտությունն ու կյանքը» (Հովհ. ԺԴ 6):

Այսպիսով՝ Մատթեոսի Քրիստոսը Մեսիա և Թագավոր է, Մարկոսի Քրիստոսը՝ Մարդ և Ծառա, Դուկասի Քրիստոսը՝ Բժիշկ և Կա-րեկից Փրկիչ, Հովհաննեսի Քրիստոսը՝ Աստ-վածային Բան և Հավիտենական Լույս:

Չորս Ավետարանները միասին ամբող-ջացնում են Քրիստոսի կերպարը՝ միավո-րելով երկնային և երկրային, աստվածային և մարդկային բնությունները, ցույց տա-լով, որ Հիսուս միաժամանակ պատմական անձ է և հավիտենության Աստված:

Չորս ավետարանիչների հեղինակային յուրահատկությունները, ապրած ժամանա-կը և միջավայրը մեծապես ազդել են նրանց Ավետարանների ոճի, Հիսուսի կերպարի և կենտրոնական թեմաների վրա: Մատթեոսը կենտրոնացնում է կանխազուշակություննե-րի, մարգարեությունների կատարման վրա, Մարկոսը՝ անմիջական գործողությունների, Դուկասը՝ մարդասիրության և կարեկցանքի, իսկ Հովհաննեսը՝ աստվածային խորության և հոգևոր վարդապետության վրա: Այս յուրա-հատուկ մոտեցումներն ստեղծում են Հիսու-սի ամբողջական, բազմաշերտ պատկերը, որում նա միաժամանակ ներկայացված է որպես կատարյալ մարդ և Աստված:

Հովհաննես սրկ. ԷՎԻՆՅԱՆ
Դիանա ՔՈՉԱՐՅԱՆ

Դավաճանության դեպքերն ու ընկալումները Սուրբ Գրքում և քաղաքականության տարբեր միջավայրերում

Բառի ստուգաբանությունը

«Դավաճան(ություն)» բառի հիմքում «դավ» արմատն է, որը կարող է փոխառված լինել հին պարսկերեն *dan* ձևից՝ «խարդախություն, դարանակալություն, նենգություն» իմաստներով: Հավանական է նաև՝ բառն ունենա բնիկ հնդեվրոպական ծագում (հնդ. *dhabh*): Բառի առաջին հիմքով («դավ-») կազմությունները բավականին տարածված են՝ դյուրադավ, դավանք, չարադավ, դավադիր, դավաբեր, ազգադավ և այլն, իսկ «ճան» արմատն այդքան էլ կիրառելի չէ (ճակաճան—իզամուկ, գինեճան—գինեմուկ, խրախճան—խնջուկ, տիրաճան — իր տիրոջը սիրող, երախճան—սանձ), և դրա ծագումն ու նշանակությունն անհայտ են:

«Դավաճան» բառը հստակ ստուգաբանությամբ ներկայացված է 1992 թ. «Հայոց լեզուի նոր բառարան»-ում. «Զենտերեն *dab* = խաբել, նենգել, *dava* = նենգ, յոռի, հին պարսկերեն *ճանահ* = սիրող, ցանկացող, մոլի. լրիւ իմաստը՝ նենգել սիրող»: Այսպիսով՝ բառի առաջին՝ «դավ-» բաղադրիչը հնդեվրոպական արմատ է՝ «խարդախություն, նենգություն, մատնություն, որոգայթ» իմաստներով, իսկ երկրորդը՝ «-ճան» արմատը, պարսկական հիմք ունի՝ «սիրող, ցանկացող, մոլի» իմաստներով:

Դավաճանության լեզվական իմաստային լանդշաֆտը բավականին ընդարձակ է և բազմաբովանդակ: Չարավետ տանտեսակի խաբեություն և որոգայթադիր նենգագործություններ խորքային առումով դավաճանական բնորոշման են ենթակա: Մարդկային քաղաքակրթության պատմության առաջին օրերից իսկ հայտնի են դավաճանական արարքներն ու մեղաքառույց վարքագիծ չարամիտ հետևանքները: Բոլոր այս նրբիմաստները արտահայտված են նաև հին հունարեն և լատիներեն համարժեքներում. դավաճանությունը՝ որպես հաշվեկատ վերաբերմունք (հին հուն.՝ *δόλος* (*dolos*), լատ.՝ *dolus* — մախահնդեվրոպական **dei* («հաշվել, հաշվարկել»-ից), վատ արարք կամ բառացիորեն չարագործություն (հին հուն.՝ *κακούργια* (*kakurgia*), լատ.՝ *maleficium*), մեղազործություն և ինքնաարդարացում (հին հուն.՝ *επιβουλή* (*epibule*)), կամովին հայտնելը կամ հանձնելը (հին հուն.՝ *προδοσία*), դարանակալում (լատ.՝ *insidiae*):

Հին եբրայերենում «դավաճանություն» բառի համարժեքը «բըզադ» է՝ նույնարմատ «հագուստ» («բեզդ») բառին: Մարդկության մեջ առաջին անգամ հագուստը հայտնվում է այն բանից հետո, երբ Ադամն ու Եվան դեն են գնում աստվածային պատվիրանին և ուտում եղենի պարտեզի արգելված ծառից: Դավաճանական այս արարքն ունեցավ իր հետևանքները՝ հետագա սերունդների վրա. մարդիկ այդուհետ հագուստ կկրեն՝ ամոթալի մարմնի պատճառով. «Եվ նրանց երկուսի աչքերը բացվեցին, և իմացան, որ մերկ են, և թգնու տերևներ կարեցին ու իրենց համար ծածկոցներ շինեցին» (Ծննդ. 3:7): Վերջին գիտական ուսումնասիրություններում շեշտադրվում է այս հագուստների սոցիալական նշանակության հանգամանքը, ըստ որի՝ դրանք խորհրդանշում են Ադամի և Եվայի ինքնության կերպարանափոխությունը և Աստծո հետ ունեցած հարաբերությունների փոփոխությունները (տես Robert A. Oden, *The Bible Without Theology: The Theological Tradition and Alternatives to It*, Urbana, IL: University of Illinois Press, 2000, էջ 92–105):

Սուրբ Գրքից հիշարժան է Հակոբի որդի Հովսեփի պատմությունը, երբ Պետափրեսի կինը նրան մեղադրեց դավաճանության հանցանքով՝ որպես ապացույց ներկայացնելով նրա հագուստը (Ծննդ. 39:11–18): Հագուստը մեղքի մասին է հիշեցնում, ուստի Աստված Ահարոնին քահանայական հագուստ շնորհելիս պատվիրում է այն պատրաստել «պատվի և փառքի համար» (Ելք 28:2): Հայերենում «դավաճանություն—հագուստ» իմաստաբանական խոսույթն առկա է հիմնականում դարձվածքներում: Անարդարացի, շողջորթ և նենգ մտադրու-



Կարավաջո, Հուդայի համբույրը և Հիսուսի ձերբակալությունը, 1602 թ.

թյունների դեպքում օգտագործվում են հետևյալ դարձվածքները՝ «շապիկը կարճ», «փեշը կեղտոտ», իսկ հեղինակագրիկը և արատավոր երևույթների բացահայտման դեպքում ժողովուրդն ասում է՝ «քողը պատռվում է», «մարդու աչքի թուղն ընկնում է» (տես Ա. Շախբազյան, Հագուստ անվանող բառերը դարձվածքներում, Կանթեղ. Գիտական հոդվածների ժողովածու. 2010, հ. 2, «Ասողիկ» հրատարակչություն, Երևան, էջ 130):

Դավաճանության դեպքերը Սուրբ Գրքում

Աստվածաշնչում նկարագրվում են բազմաթիվ պատմություններ, որտեղ պարզորոշ երևում են դավաճանության մտահղացման սցենարը և դրա վերաբերյալ սուրբգրային հեղինակների բացահայտ ընդդիմությունը: Կան դեպքեր, երբ իշխանության հասնելու համար կատարվում են անարդարացի, դավաճանական սպանություններ (Պատ. 9: 1–5), մինչև իսկ բնաջնջվում է թագավորական ամբողջ տունը (Դ թագ. 11:1): Դավթի՝ եղբայրների հետ զոհաբերությանը մասնակցելը և Սավուդին սեղանակից չլինելը մղում են չարափառ արքային միգակն ուղղել իր որդի Հովնաթանի ուղղությամբ (Ա թագ. 20: 31), որը պաշտպանում է Դավթին: Բայց Սավուդը, չարացած Դավթի հանդեպ, մահապատժի ենթարկում Աբիմելեքին և նրա քահանաների ընտանիքին՝ Դավթին օգնելու համար (Ա թագ. 22: 11–18), թեև Սամուելը, Աստծո հրամանով, արդեն օծել էր Դավթին որպես Սավուդի իրավահաջորդի: Դավթին էլ իր հերթին, լինելով միապետական վարչակարգի կողմնակից և թագավորական պատվի պաշտպան, սպանեց ամառելեացուն, որ օգնել էր Սավուդին ինքնասպանություն գործել. «որ ձեռքը մեկնեց Տիրոջ օծյալին ոչնչացնելու համար» (Բ թագ. 1:14): Դավթի երկու զորավարներ Բաան և Ռեքաբը սպանեցին Սավուդի որդի Իբուսեթին՝ Դավթի կողմից վարձատրվելու ակնկալիքով, բայց վերջիններս նրանց մեղադրեցին դավաճանության համար և մահապատժի ենթարկեցին (Բ թագ. 4:2–12): Հովաբն սպանեց Աբիսողոմին՝ իշխանությունը տապալելու և իր հորը՝ Դավթին, թագավորությունից զախընկեց անելու փորձի համար (Բ թագ. 18:14): Թագավորին հասցված վիրավորանքը նույնպես աններելի էր. Գերայի որդի Սեմեին մեղադրվեց՝ Դավթին վիրավորելու և հայիոյելու պատճառով (Բ թագ. 16: 5–8): Երբ Սեմեին ներողություն խնդրեց Դավթից, վերջինս ներում չնորհեց նրան (Բ թագ 19:21), բայց Սողոմոն թագավորը պատրվակ գտավ իր հոր վրեժը լուծե-

լու համար (Գ թագ. 2:46): Ադոնիան մեղավոր ճանաչվեց դավաճանության համար (Դավթից հետո իրեն թագավոր էր հռչակել՝ անտեսելով Սողոմոնին) և վերջապես մահապատժի ենթարկվեց (Գ թագ. 1:5, 2:25):

Սուրբ Գրքի պատմական զրքերում տեղ գտած հիմնական իրադարձություններում դավաճանություն են համարվում տիրող իշխանության և ղեկավարների դեմ բարձրացված ապստամբություններն ու խռովությունները: Տերն անողոք է այդպիսի անձանց հանդեպ, ինչպես երևում է Դավթ թագավորի աղերսագին խնդրանքում. «Եվ դու, իմ Աստված, նրանց կզցես ապականության հորը. արյուն թափող և նենգավոր մարդիկ իրենց կյանքի օրերի կեսին չպիտի հասնեն, իսկ ես իմ հույսը Քեզ վրա եմ դրել» (Սաղմ. 55:23): Սակայն եթե թագավորը յուրային ժողովրդին հեռացնում է հայրենի օրենքներից և մախապատվություն տալիս թշնամի ժողովրդի սովորույթներին ու կրոնական պաշտամունքին, արժանանում է Աստծո անեծքին, և մարգարեների ու ժողովրդի բարձրացման արդար բողոքն այս պարագայում համարվում է տեղին և ընդունելի:

Նոր Կտակարանում դավաճանության ամենահայտնի արարքը Հուդայի համբույրն է: Կան մի քանի բացատրություններ, թե ինչու Հուդան դավաճանեց Հիսուսին: Մարկոսի Ավետարանում՝ ՆԿ-ի ամենավաղ գրված գրքում, ներկայացվում է, որ երբ Հուդան գնում է քահանայապետների մոտ՝ մատնելու Հիսուսին, նրան որպես վարձատրություն առաջարկում են գումար, բայց միանշանակ չէ, որ փողից մղված է նա դավաճանում: Մատթեոսի Ավետարանում, մյուս կողմից, նա հարցնում է, թե ինչ են վճարելու իրեն Հիսուսին հանձնելու համար: Ղուկասի և Հովհաննեսի Ավետարաններում ստատման մտնում է Հուդայի մեջ՝ ստիպելով նրան դավաճանել Հիսուսին: Ըստ ոմանց՝ Հուդան կարծում էր, որ կարող էր գումար ստանալ Հիսուսին դավաճանելու դիմաց՝ առանց Նրան սպանելու, քանի որ նա կհասցներ փախչել, ինչպես մախկինում շատ անգամներ էր արել: Տեսակետներից մեկի համաձայն՝ Հուդան հիասթափված աշակերտ էր, որը Հիսուսին դավաճանում է ոչ այնքան այն պատճառով, որ նա սիրում էր փողը, որքան որ նա սիրում էր իր երկիրը և կարծում էր, որ Հիսուսը ձախողել էր:

Ավետարանները հուշում են, որ Հիսուսը կանխատեսել է (Հովհ. 6:64, Մատթ. 26:25) և թույլ տվել Հուդայի դավաճանությունը (Հովհ. 13:27–28): Բացատրություններից մեկն այն է, որ Հիսուսը թույլ է տվել դավաճանությունը, քանի որ դա կնպաստեր Աստծո ծրագրի իրականացմանը: Մյուսն այն է, որ անկախ դավաճանությունից՝ Հիսուսը վերջիվերջո խաչելության էր ենթարկվելու: 2006 թվականի ապրիլին թարգմանվեց

ղպտերեն մի ձեռագիր, որը վերնագրված էր Հուդայի Ավետարան (ապոկրիֆ գործ՝ գրված Ք. հ. 200 թ.), որտեղ ասվում է, որ Հիսուսն է ասել Հուդային՝ դավաճանել իրեն, չնայած որոշ գիտնականներ կասկածի տակ են դնում թարգմանությունը:

Հուդայի արարքը մեկնաբանվել է տարբեր գիտակարգերի ներկայացուցիչների կողմից և տարբեր տեսանկյուններից: Ոմանք պնդում են, որ եթե Հիսուսը կանխատեսում է Հուդայի դավաճանությունը, ապա դավաճանությունն ազատ կամքի դրսևորում չէ, և, հետևաբար, Հուդան չպետք է պատժվի: Ընդհակառակը՝ ուրիշները պնդում են, որ հենց այն պատճառով, որ դավաճանությունը կանխագուշակվել է, դա չի խանգարում Հուդային այս հարցում իր ազատ կամքը գործադրելու: Այլ գիտնականներ պնդում են, որ Հուդան գործել է՝ հնազանդվելով Աստծո կամքին: Ավետարանները հուշում են, որ Հուդան, ըստ երևույթին, կապված է Աստծո նպատակների իրականացման հետ (Հովհ. 13:18, Հովհ. 17:12, Մատթ. 26:23–25, Ղուկ. 22:21–22, Մատթ. 27:9–10, Գործք. 1:16, 20), սակայն «վայ նրան», «ավելի լավ կլիներ ծնված չլինել» (Մատթ. 26:23–25): Ասույթին բնորոշ դժվարությունը պարադոքս է. եթե Հուդան չծնվեր, մարդու Որդին, ըստ երևույթին, այլևս չէր անի՝ «ինչպես գրված է Նրա մասին»: Այս ներողամտության մոտեցման հետևանքն այն է, որ Հուդայի գործողությունները համարվում են անհրաժեշտ և անխուսափելի, սակայն հանգեցնում են դատապարտման: Մեկ այլ բացատրություն էլ այն է, որ Հուդայի ծնունդը և դավաճանությունը միակ ճանապարհի չէին, որով մարդու Որդին կարող էր տառապել և խաչվել: Սակայն անկախ ցանկացած անհրաժեշտությունից՝ Հուդան պատասխանատու է իր արարքի համար (Մարկ. 14:21, Ղուկ. 22:22, Մատթ. 26:24):

Ինչպես Հուդան՝ Քրիստոսի աշակերտը, այնպես էլ յուրաքանչյուր քրիստոնյա, որ մկրտությամբ դառնում է Աստծո որդեգիր, պատասխանատու է իր կյանքի և գործերի համար. «Քրիստոսի Անունը կրել և Քրիստոսի հետքերով չբայել՝ միթե չի նշանակում դավաճանել Աստծո Անվանը և հեռանալ փրկության ճանապարհից» (Կիպրիանոս Կարթագենացի (մոտ 200–258)):

Դավաճանությունը հոգևոր փոխհարաբերության դաշտում մարդը—մարդ հորիզոնական հարթությունից տեղափոխվում է մարդ—Աստված ուղղաձիգ հարթություն: Դարձյալ միմյանց հանդեպ վստահության երաշխիքով են տեղի ունեցել մարդու Աստծուն որդեգրվելը և աստվածային կամքի մարդասեր հաճությամբ մարդկությանը փրկություն շնորհելու ձգտումը: Սուրբ Գիրքը բազում օրինակներով մեզ պատմում է, թե Աստծուն դավաճանելու և մեղազործելու դեպքում ինչպես է կյանքի հույսը փոխվում: Հիշենք Դավթ թագավորին, որը մի մեղքը չընդունելու հետևանքով ավելի էր ընկղմվել մեղքերի խորխորատում: Նա սխալվեց՝ տանը մնալով, երբ պետք է գնար պատերազմի (Բ թագ. 11:1), ուշադրություն դարձրեց արգելված ցանկությանը (Բ թագ. 11:3)՝ միտումնավոր շնություն գործելով (Բ թագ. 11:4), փորձեց թաքցնել իր մեղքը՝ մուրեցնելով մեկ ուրիշին (Բ թագ. 11:6–15): Նա այսպես շարունակում է քողարկումը՝ ի վերջո սպանություն կատարելով (Բ թագ. 11:15, 17): Բազմիցս մեղանչելը թուլացնում է մարդու զգայունությունն Աստծո օրենքների և այլ մարդկանց իրավունքների նկատմամբ: Դավթն անտարբեր էր Ուրիայի մահվան լուրի հանդեպ, քանի որ նա անզգամ էր իր մեղքի նկատմամբ (Բ թագ. 11:23–25): Դավթի այս երկկողմանի դավաճանության պատճառով իր որդին մեռած ծնվեց: Սակայն կա ներման հնարավորություն, երբ առկա է զղջում. «Ես մեղք եմ գործել Տիրոջ դեմ» (Բ թագ. 12:13, 24:10, 17):

Շարունակելի

Ինչու Սամուել մարգարեն սպանեց ամառեկացիների թագավորին

«Եվ Սամուելն Ազագին սպանեց Տիրոջ առջև՝ Գաղգաղայում»
(Ա Թագ. 15:33):

Իսրայելի որդիները թագավոր են ուզում

Երբ Սամուել մարգարեն ծերացավ, իր որդիներին՝ Յոնթանին և Աբիային, կարգեց Իսրայելի դատավորներ: Վերջիններս, սակայն, չգնացին իրենց հոր ճանապարհով, «այլ ընչաբաղոցության հետևից ընկնելով՝ կաշառք էին վերցնում և իրավունքն աղավաղում» (Ա Թագ. 8:3): Եվ ահա հավաքվեցին Իսրայելի ծերերը և գալով Արիմաթեմ՝ Սամուել մարգարեի մոտ՝ նրանից պահանջեցին թագավոր կարգել իրենց վրա: «Ահա դու ծերացել ես, իսկ թո որդիները թո ճանապարհով չեն գնում: Արդ, մեզ վրա մի թագավոր կարգիր, որ մեզ դատի» (Ա Թագ. 8:5): Բնականաբար, սա Սամուելին դուր չէկավ, քանի որ այս կերպ նրանք Տիրոջն անարգեցին:

Հարց է առաջանում, թե արդյո՞ք ճիշտ վարվեցին իսրայելացիները և թագավոր պահանջելիս իրական ինչ հիմնավորում ունեին:

Դեռևս Բ Օրենք 14-րդ գլխում՝ թագավորի մասին օրենքներում, հանդիպում ենք հետևյալ մտքին. «Եվ եթե մտնես այն երկիրը, որ Տերը՝ քո Աստվածը, տալու է քեզ, ժառանգես այն ու բնակվես նրա մեջ և ասես՝ «Մենք էլ իշխան ունենանք, մեր շուրջը գտնվող մյուս ազգերի մեջ», ապա իշխան կկարգես նրան, որին կընտրի Տերը՝ քո Աստվածը (Բ Օրենք 17:14–15): Հետաքրքրական է, որ երբայերեն բնագրում այս արտահայտությունների միջև ակնհայտ տարբերություն կա:

Բ Օրենք 17:14 — «մեզ վրա թագավոր կարգիր»,

Ա Թագ. 8:5 — «մեզ թագավոր տուր»:

Առաջին արտահայտությունը բովանդակում է հետևյալ իմաստը. «մեզ վրա թագավոր կարգիր, որպեսզի նա իշխի մեզ և կառավարի ամենքիս», իսկ երկրորդն իր բնութագրով ավելի պահանջատիրական է. «մեզ թագավոր տուր, որին մենք կկարողանանք կառավարել և օգտագործել մեր իսկ կարիքների համար»: Ահա թե ինչու իսրայելացիների արտահայտությունը դուր չէկավ Սամուելին, և թե ինչու այս կերպ նրանք անարգեցին Սամուելին. «Եվ Տերն ասաց Սամուելին. «Լսիր ժողովրդի ձայնը, ինչ էլ որ ասեն քեզ: Նրանք ոչ թե քեզ անարգեցին, այլ չուզեցին, որ ես թագավորեմ իրենց վրա» (Ա Թագ. 8:7):

Այդուհանդերձ, Աստված անսաց ժողովրդի ձայնին՝ միաժամանակ պատվիրելով Սամուելին փոխանցել իր պատգամները՝ իրենից թագավոր խնդրող ժողովրդին. «Արդ, լսիր նրանց ձայնը, բայց նրանց տեղյակ պահիր, բացատրիր թագավորի իրավունքները, որ իշխելու է իրենց վրա» (Ա Թագ. 8:9): Իր խոսքի վերջում Սամուելը զգուշացրեց ժողովրդին՝ ասելով. «Այն ժամանակ դուք բողոքելու եք ձեր ընտրած թագավորի դեմ, սակայն Տերը ձեզ չի լսելու այդ օրը, քանի որ դուք ինքներդ ձեզ համար թագավոր ընտրեցիք» (Ա Թագ. 8:18):

Ահա այս ամենից հետո է, որ նա Սամուելին թագավոր օծեց և կարգեց Իսրայելի ժողովրդի վրա:

Դեռևս էլից գրքից սկսյալ՝ աստվածաշն

չյան պատմությունը զարգանում է այն գաղափարը, որ Տերը պատերազմում է իսրայելացիների կողմից՝ փառաբանվելով որպես զինվոր և թագավոր: Հետևի գիրքը նույնպես կրկնում է այս գաղափարը, այն է՝ իսրայելացիների հաղթանակները Տիրոջ հաղթանակներն են: Սուրբ Գիրքը լի է օրինակներով, որոնցում Աստված անվանվում է թագավոր (Ելք 15:18, Ա Թագ. 8:7, 10:19): Աստծուն իբրև թագավորի ներկայացնելը տարածված թեմա է ինչ մերձավորարևելյան գրականության մեջ: Օրինակ՝ ասորեստանցիներն Աշուր աստծուն համարում էին թագավոր, իսկ երկրի վրա իշխող թագավորին՝ նրա ներկայացուցիչ: Իսրայելի յուրահատկությունը, սակայն, այն էր, որ թագավորության հաստատումից առաջ Աստված երկրային, այսպես կոչված, «համարժեքներ» չուներ, ինչպես այլ ազգերի պարագայում էր: Այն փաստը, որ Աստված զորահրամանատարներ էր կարգում, հաղթանակներ էր ապահովում, նշանակում է, որ Տերը՝ որպես թագավոր, ինքն էր մարտի դաշտում առաջնորդում իսրայելի բանակը: Այսուհետ Իսրայելում մոր թագավորի՝ տվյալ դեպքում Սամուելի գահակալությունը պետք է դառնար Աստծո երկնային թագավորության արտացոլումը երկրի վրա:

Սամուելը, ինչպես Մովսեսն ու Դեբորան, առաջնորդում էր ժողովրդին իր մարգարեական կարգավիճակով: Թագավորական կառավարման հաստատմամբ արդեն նա ստանձնում է խորհրդակցանի դերը: Աստծուց հայտնություններ ստանալու միջոցով, ժողովրդին առաջնորդելու փոխարեն, մարգարեն պետք է առաջնորդեր թագավորին, որը կպահպաներ մարգարեի խորհուրդը այս կամ այն բանն անելու կամ չանելու հարցում. «Այն մարդը, որ չի լսի իմ անուհից խոսող մարգարեին, նրանից վրեժ կլուծեմ» (Բ Օրենք 18:22): Հին Մերձավոր Արևելքում թագավորը համարվում էր պետության մարմնացում, այդ իսկ պատճառով նա պատասխանատու էր ժողովրդի վարքագծի համար, իսկ ժողովուրդն իր հերթին կարող էր պատժվել կամ օրհնվել թագավորի կատարած գործողությունների համար:

Սամուելի հրաժեշտի պատգամը

Ժողովրդի պահանջը կատարելուց և Իսրայելի վրա թագավոր կարգելուց հետո Սամուելը հրաժեշտի խոսքով դիմում է իսրայելացի բոլոր այրերին: Տարածված երևույթ է, երբ պետության մոր ղեկավարն արդեն իսկ առկա հիմնախնդիրների համար կարող է մեղադրել նախկին վարչակազմին: Այս առումով՝ պատմության ընթացքում բաղաբաղականությունն այդքան էլ մեծ փոփոխություններ չի կրել. ինչ աշխարհում ևս նմանատիպ գործելաոճը բավականին տարածված էր: Ուստի, այս տեսանկյունից, Սամուելի ցանկությունը, որ ժողովուրդը հանրայնորեն վկայի իր կառավարման ընթացքում ցուցաբերած արդար և իրավացի գործելաոճի մասին, բավականին հասկանալի է. «....Իմ



Յուլիուս Հնոր ֆոն Կարոլսֆելդ. «Սամուելի մերժումը», 19-րդ դ.

վաղ հասակից մինչև այսօր ես ձեզ ղեկավարեցի: Ես ահա կանգնած եմ ձեր առաջ, և դուք Տիրոջ ու Նրա օծյալի ներկայությամբ մեղադրեք ինձ, թե ես մեկի եզը խլել եմ կամ էլը տարել, ձեզանից հիմ եմ ճնշել կամ որևէ մեկին զրկել եմ, հիմ ձեռքից եմ կաշառք կամ ընծաներ վերցրել: Պատասխան տվեք ինձ, որպեսզի ես հատուցեմ ձեզ» (Ա Թագ. 12:2–4): Բնականաբար, ժողովուրդն այլ բան չէր կարող պատասխանել, քան խոստովանել, որ մարգարեն իրենց դեմ չի մեղանշել, չի զրկել և ոչ մեկից ոչինչ չի խլել:

Իր խոսքի ավարտին Սամուելը պատգամում է ժողովրդին երկուրդ կրել Տիրոջից և ճշմարտությամբ ծառայել նրան. «Քանի որ տեսաք, թե մեզ համար ինչ մեծ գործեր արեց, իսկ եթե չարությամբ գործեք, թե՛ դուք, թե՛ ձեր թագավորը կորստյան կմատնվեք» (Ա Թագ. 12:24–25):

Սամուելի սխալը

Մարգարեական հիշյալ խոսքերը, բնականաբար, իրականություն դարձան: Տերը խոսքն ուղղեց Սամուելին և ասաց. «Չղջացել եմ, որ թագավոր դարձրի Սամուելին, քանի որ ինձնից շուտ եկավ և իմ խոսքերը չպահեց» (Ա Թագ. 15:11):

Այս ամենից առաջ՝ 15-րդ գլխի սկզբում, Սամուելը Սամուելի միջոցով կարգադրություն է ստանում Տիրոջից՝ հարվածելու ու ոչնչացնելու Ամաղեկին և Հարիմին, ինչպես նաև նրանց պատկանող ամեն ինչ: Ելք 17-րդ գլխից հիշում ենք, որ ամաղեկացիները Եզիպտոսից ելքի ժամանակ փակել էին Իսրայելի ճանապարհը, ինչի համար Տերը ցանկանում է վրեժխնդիր լինել և այդ իրավունքները Սամուելի միջոցով. «....Նրանցից ոչ ոք չպետք է փրկվի: Կկոտորես նրանց ու կոչնչացնես բոլորին՝ տղամարդ թե կին, երեխա թե կաթնակեր մանուկ, արջառ ու ոչխար, ուղտ ու էշ» (Ա Թագ. 15:3): Ինչպես զոհաբերությունների որոշ տեսակներ, որոնք ամբողջությամբ պատկանում էին Աստծուն, պատերազմի ավարդ ևս շատ հաճախ կարող էր պատկանել միայն Տիրոջը, և քանի որ սա Աստծո պատերազմն էր, և ավարդ պետք է պատկաներ Նրան՝ որպես հաղթողի, այդ իսկ պատճառով հարկ էր, որ Սամուել

այն ամբողջությամբ ոչնչացնի:

Վերջինս ջախջախեց Ամաղեկին, Հարիմի ամբողջ զորքը սրի քաշեց, սակայն կենդանի թողեց Ամաղեկի թագավոր Ազագին. «....խնայեցին ընտիր ոչխարների ու արջառների հոտերը, պտղատու և խաղողի այգիները, ամեն տեսակ բարիքները, չուզեցին ոչնչացնել դրանք, իսկ ինչ որ անարժեք ու անպետք էր, բնաջնջեցին» (Ա Թագ. 15:9): Ոչխարներից ու արջառներից Սամուելը Տիրոջը ողջակեզներ մատուցեց: Այս կերպ, սակայն, նա թույլ տվեց մեծագույն սխալ. չանսաց Տիրոջ ձայնին և գերադասելով ավարը՝ չարիք գործեց Նրա դեմ: Սամուելը խստորեն հանդիմանեց Սամուելին այս արարքի համար. «Միթե Տիրոջ համար ավելի հաճելի են ողջակեզներն ու զոհերը, քան

Տիրոջ ձայնին անսալը: Հնազանդությունն ավելի լավ է, քան ընտիր զոհը, և անսալն ավելի լավ է, քան խոյերի ճարպը» (Ա Թագ. 15:22): Եվ այս դեպքում, փաստորեն, զոհաբերությունից առավել կարևոր էին Տիրոջ հրահանգները լսելն ու կատարելը:

Սամուելը զղջաց իր արարքի համար՝ խնդրելով Սամուելին ներել իր մեղքերը, բայց վերջինս պատասխանեց. «Ես քեզ հետ չեմ լինի, քանի որ արհամարհեցիր Տիրոջ խոսքը, և Տերը քեզ մերժելու է իբրև Իսրայելի թագավորի» (Ա Թագ. 15:26): Այս խոսքերն ասելուց հետո նա ցանկանում էր հեռանալ, բայց Սամուելը բռնեց նրա թիկնոցի ծայրից և պատռեց այն, ինչին ի պատասխան՝ Սամուելը հայտարարեց, որ Տերը վերցնելու է նրանից Իսրայելի թագավորությունը և տալու է այն ավելի արժանավոր մեկին: Եվ չնայած այս ամենին՝ Սամուելը Սամուելի հետ վերադարձավ, և վերջինս երկրպագություն արեց Տիրոջը:

Եվ ահա 15-րդ գլխի վերջնամասում ակամատես ենք դառնում կարևորագույն մի դրվագի. Սամուելը հրամայում է իր մոտ բերել Ամաղեկի թագավոր Ազագին և սպանում է նրան: Հետաքրքրական է Ազագ անվան ստուգաբանությունը. որոշ ուսումնասիրողներ լատինացի լեզվով՝ այն ունի աքքադական ծագում և նշանակում է «բարկանալ, զայրանալ»: Հունարեն անվանումն իր հերթին ծագում է սեմական «ազագ» բառից, որը նշանակում է «բոցավառվել»:

Բավականին տպավորիչ և ազդեցիկ է այս դրվագում հատկապես Ազագի և Սամուելի երկխոսությունը.

«Միթե այսպես դառն է մահը» (Ազագ):

Սամուելն ասաց Ազագին. «Ինչպես որ թո սուրը կանանց որդեկորույս դարձրեց, նույն ձևով էլ որդեկորույս կլինի թո մայրը կանանց մեջ» (Ա Թագ. 15:32–33):

Եվ Սամուելն Ազագին սպանեց Տիրոջ առջև՝ Գաղգաղայում: Եբրայերեն բնագրում «սպանել» բայի փոխարեն կիրառված է «կտոր-կտոր անել» արտահայտությունը, որն ամբողջ Հին Կտակարանում օգտագործվում է գեթ մեկ անգամ:

Գագիկ սրկ. ԱՌԱՔԵԼՅԱՆ
Արմենակ ԱՌԱՔԵԼՅԱՆ

Տոն Գյուլտ Խաչի

← էջ 3

Գողգոթան այն վայրն է, որտեղ Աստծու Անարատ Գառը՝ Քրիստոս, մորթվեց հանուն մարդկության, և խաչը դարձավ «սանդուղք կենաց, մեզ ճանապարհ և տապան կենդանութեան» (Ղազար Ա Զահկեցի, Գիրք Նորաբոյս, որ կոչի երգարան, Երևան 2005, էջ 85), իսկ Գողգոթան՝ «այն ահ ու սարսափի բլուրը, սրբութիւն սրբոց է դարձել, ուր միայն խորին ակնածանքով կարելի է ոտք դնել» (Գեորգ Եպս. Չեղրեքեան, Քարոզներ եւ ելոյթներ, Ս. Էջմիածին 2013, էջ 534):

Քրիստոս խաչի տառապալից ճանա-

պարհն անցավ և իր արյամբ խաչի վրա «անջնջելիորեն գրեց մեր ազատության ու որդեգրության կտակը» (Դավիթ Անհաղթ, Ներբողներ, Ս. Էջմիածին 2008, էջ 25):

Առաջին երեք դարերում քրիստոնեությունը և քրիստոնյան հալածվում էին: Կոստանդինոս կայսեր հռչակած Միլանի հրովարտակով քրիստոնյաներին արտոնվեց ազատ կերպով դավանել մոր կրոնը: Այստեղ խորհրդանշական կապ կա Տիրոջ խաչափայտի ի հայտ գալու և քրիստոնեության՝ ստորերկրյա կյանքից դուրս գալու միջև: Ինչպես Տիրոջ խաչափայտը երեք դար մնաց Գողգոթայում՝ անայության մեջ լքված, և ի վերջո շնորհիվ բարեպաշտ

Հեղինե թագուհու՝ գտնվեց՝ ի երկրպագություն հավատացյալներիս, այնպես էլ քրիստոնությունը երեք դար շարունակ հալածվում էր, քրիստոնյաները ենթարկվում էին անասելի տառապանքների, և շատերն էլ հանուն Քրիստոսի Լույս հավատքի մարտիրոսության անթառամ պսակին արժանացան՝ դառնալով երկնքի Արքայության ժառանգորդները: Պատմականորեն երկու կարևոր իրադարձություններ տեղի ունեցան. գտնվեց Քրիստոսապասկ խաչը, և քրիստոնյաներին հնարավորություն տրվեց ընդհատակից դուրս գալու և աներկյուղ դավանելու Քրիստոսին:

Շնորհք արքեպիսկոպոս Գալուստյա-

նը խաչի Գյուլտի առիթով պատգամում է. «Գտիր գիտակցութիւնդ՝ ինքզինքդ բարձրացնելու կենքի աղիւսներէն, մարդկային ինկանութիւններէն. գտիր քաջութիւնդ տիրանալու հոգեկան ու բարոյական ազատութեանդ.... Պատրաստ եղիր ի հարկին նեղութեանց ենթարկուելու, յանուն արդարութեան, յանուն ողջախոհութեան և յանուն Աւետարանի» (Շնորհք արք. Գալուստեան, Տաղաւար տօներ, Երուսաղէմ, 1976, էջ 98–99):

Արամայիս սրկ. ԱԶԻՉՅԱՆ
Մարիան ՀԱՐՈՒԹՅՈՒՆՅԱՆ

Մ. Հովհան Ոսկեբերան.

Քրիստոնեական բարոյականությունը ժամանակից վեր է

Եկեղեցու լուսապայծառ սրբերից, աստվածընտրյալ վարդապետներից է Ս. Հովհան Ոսկեբերանը՝ ճշմարտության անբիծ հովիվն ու հավատի անսասան վահանը, որի բարոյական տեսակը մշտամնա ուղեցուց է յուրաքանչյուր քրիստոնյայի համար։ Նրա խոնարհությունը հակակշիռ է ամբարտավանությանը, նրա արդարությունը՝ կեղծիքին, իսկ սերը՝ անտարբերությանը։

Անտարակույս, ճշմարիտ քրիստոնյան պետք է քայլի երանելի վարդապետի կյանքի ճանապարհով, որ խորհրդանշում է.

- անգիջում հավատ և ճշմարտասիրություն,
- խոնարհություն և մեծահոգություն,
- արդարություն և կարեկցանք։

Անուրանալի է, որ Հովհան Ոսկեբերանն ուներ անսակարկ հավատարմություն։ Նա չէր ընկրկում անարդարության դիմաց՝ լիներ դա իշխանական պալատում թե եկեղեցական միջավայրում։ Կոստանդնուպոլսի պատրիարք դառնալով՝ նա սկսեց պայքարել շքեղասիրության և կեղծ բարեպաշտության դեմ։ Թեպետ դրա համար արժանացավ իշխանավորների թշնամությանը, սակայն չդավաճանեց իր տիրաբաղձ համոզմունքներին։ Հիրավի, նրա համար ճշմարտախոսությունը և հավատը գերակա էին ամենայն նյութական բարիքներից ու մարդահաճությունից։

Չնայած իր բարձր դիրքին՝ Հովհան Ոսկեբերանը չձգտեց փառատենչության, ապրեց ծառայության և ինքնագոհաբերման ոգով։ Նրան աքսորեցին, վիրավորեցին, անարդար մեղադրեցին, սակայն նա չդառնացավ։ Սրբի օրինակելի խոնարհությունը և տոկունությունը առհավատչյա են իսկական հավատացյալի հոգու գործության համար։ Նա երբեք չկորցրեց իր ներողամտությունը, աղոթեց իրեն հալածողների համար՝ ապացուցելով, որ քրիստոնեական սերն ու ներումը ամենամեծ հաղթանակն են չարի հանդեպ։ Նրա համբերությունը մեզ հիշեցնում է, որ խաղաղությունը չի գալիս վրեժխնդրությունից, այլ մեծահոգությունից։

Ոսկեբերանի կյանքը սիրու կենդանի վկայություն է։ Նրա քարոզչությունը ևս հազեցած էին մարդասիրությանը և արդարությանը կոչերով։ Մարդկանց հորդորում էր հոգ տանել աղքատներին, հիվանդներին և ան-

տուններին՝ հիշեցնելով, որ ամեն մարդու մեջ պետք է տեսնել Քրիստոսին. «Եթե չես տեսնում Քրիստոսին աղքատի աչքերում, չես կարող տեսնել Նրան խորամի վրա»։ Ս. Հովհանը թելադրում էր սիրել գործով, ոչ թե խոսքով, օգնել յուրաքանչյուր կարիքավորի՝ իբրև Աստծուն մատուցված կենդանի զոհաբերություն։ Այս օրինակը մեծապես արժեքավոր է մեր ժամանակներում՝ անտարբերության և եսասիրության դարաշրջանում։

Ս. Հովհան Ոսկեբերանը սերունդներին թողեց ոսկեղեն գրական ժառանգություն՝ մեկնություններ, դավանաբանական և հակաճառական երկեր, քարոզներ, ճառեր, ներբողներ ու նամակներ։ Նրա խոսքի ճոխությունը, լեզվի երաժշտականությունը և ճարտասանական փայլը պատճառ դարձան, որ եկեղեցին հավիտյան նրան կոչի Ոսկեբերան։ Դեռ 5-րդ դարում նրա երկերից շատերը թարգմանվեցին հայերեն՝ դառնալով մեր հոգևոր մշակույթի անբաժանելի մասը։

Ծնվել է մոտ 347 թ. Անտիոքում՝ ազնվական ու աստվածապաշտ ընտանիքում։ Նրա ծնողները, օրինված բարեպաշտությամբ, որդուն դաստիարակել են հավատի ոգով, աստվածասեր մտքով ու մաքուր վարքով։ Երիտասարդ Հովհանը դեռ վաղ տարիքից իր կյանքը նվիրեց աստվածային ճշմարտության որոնմանը՝ ընտրելով ժուժկաության, աղոթքի և Սուրբ Գրքի խորհուն ընթերցման ուղին։ Սոր խնդրանքով նա սկզբում չհեռացավ հայրական տնից, սակայն ապրեց ասես անապատում՝ մերժելով աշխարհիկ փառքն ու մարմնական ցանկությունները։ Իսկ մոր մահից հետո, մխիթարություն որոնելով միայն Աստծո խոսքում, նա գնաց Անտիոքի անապատ՝ իր անձն ընծայելով անօրինակ ճգնաժամ։ Տարիներ շարունակ՝ 374–380 թթ., ապրեց որպես ճգնավոր՝ անձանձիր աղոթքով, հոգևոր լուծության մեջ։

Շուտով հիվանդությունն ստիպեց Ոսկեբերանին թողնել անապատը և վերադառնալ ծննդավայր, որտեղ էլ 380 թ. ձեռնադրվեց սարկավագ, ապա՝ վեց տարի անց, քահանայ։ Ս. Հովհանն իր աստվածատուր խոսքի գործությամբ դարձավ անգուգական քարոզիչ, իսկ 398 թ. Աստծո նախախնամությամբ բազմեց Կոստանդնուպոլսի պատրիարքա-

կան աթոռին։ Այնտեղ նրա առաքելությունը կենտրոնացավ մայրաքաղաքի բարքերի ուղղման վրա. նա պախարակեց այն անբարոյ սովորությունները, որ կործանում էին մարդկանց հոգիները։ Իր եռանդուն հովվությամբ Ոսկեբերանը եկեղեցու գիրկը վերադարձրեց մոլորյալներին, ապաշխարության կոչեց խոտոր ուղիների վրա գտնվողներին։

Սակայն արդարության կրակը վառեց անիրավների հպարտությունը, քանի որ Ս. Հովհանն անաչառությամբ համդիմանեց ոչ միայն մեղավոր ժողովրդին, այլև չարաբարո հոգևորականներին ու հատկապես իշխաններին։ Նրա խորհուրդներն ու խիզախ խոսքերը բորբոքեցին թագուհի Եվդոքսիայի զայրույթը, երբ վերջինս մեղադրվեց այրի կնոջ այգին խլելու համար։ Սուրբ հայրապետը հիշեցրեց նրան Հեզաբելի դատապարտությունը՝ ասելով. «Այսպիսի բաների համար Հեզաբելը կրեց բարի Աստծո բարկությունը»։ Թագուհին, տարված փառասիրությամբ և վշտացած դառը ճշմարտությունից, սկսեց դավեր նյութել վարդապետի դեմ։ Սակայն Ոսկեբերանը, Հովհաննես Մկրտչի արիությանը լցված, շարունակեց բացահայտորեն կշտամբել արքունի անբարոյականությունն ու ցուցամոլությունը։ Թագուհին և Ալեքսանդրիայի պատրիարք Թեոփիլոսը նենգաբար միավորվեցին նրա դեմ՝ 403 թվականին անիրավ ժողով գումարելով և սրբին պաշտոնանկ անելով։ Այնուամենայնիվ, աստվածային արդարությունը չուշացավ։ Կոստանդնուպոլսում աղետներ սկսվեցին. քաղաքում և արքունական ապարանքում որոշ մեծամեծներ մահացան։ Դրանից զարհուրած թագուհին իր ամուսնուն համոզեց, որ Ս. Հովհանը վերադառնա իր աթոռին։ Սուրբը, մեղմությամբ հաղթելով նենգությունը, վերստին բազմեց աստվածահին գահին՝ շնորհալի վարդապետությամբ լուսավորելով հավատացյալներին։

Երբ Եվդոքսիան մոր արձան կանգնեցրեց իր փառքի համար, դարձյալ արժանացավ Ոսկեբերանի հանդիմանանքին. «Աստծուն ատելի են նրանք, ովքեր կորցնում են իրենց պարկեշտությունը»։ Թագուհին չար բաներ խորհեց Ս. Հովհանի դեմ, սա ինացավ սուրբը և ճառում ասաց. «Կրկին մոլեգնում է Հեռովդիադան, որ ճշմարտության պատճառով

անիրավությամբ կտրի Հովհանի գլուխը»։ Չլռելով՝ Ոսկեբերանը նույն խիզախությամբ ի դերն հանեց պալատական զենություներն ու շվայտությունները։ Եվ հակառակ ժողովրդի համակրանքին՝ Արկադիոս կայսրն ու Եվդոքսիա կայսրուհին նրան մորից աքսորելու հրաման արձակեցին։

Մեծանուն սուրբը՝ խաչն ուսին, հոժաբությամբ ընթանում էր աքսորի արահետներով։ Ճանապարհին էլ Աստծո կենդանի ճշմարտությունը քարոզելուց չէր դադարում՝ մխիթարելով և զորացնելով ունկնդիրներին։ 407 թ. Պոնտոսի Կոմանա քաղաքում նա հոգին խաղաղությամբ հանձնեց Տիրոջը։ 438 թ. մարմինը տեղափոխվեց Կոստանդնուպոլիս և ամփոփվեց Ս. Առաքելոց եկեղեցում։

Այսպես՝ Ս. Հովհան Ոսկեբերանն իր աստվածահաճ ընթացքով ապացուցեց, որ քրիստոնեական բարոյականությունը ժամանակից վեր է։ Դարերի հյուղվոյթուն շատ անուններ են անհիշատակ մնում, բայց նա այն դեմքերից է, որոնց կերպարը մնում է լուսավալ ու անթառամ։ Նրա ուսմունքը հավերժ հիշեցնում է, որ մարդը պետք է ապրի ոչ թե փառքի, այլ արդարության ու բարեսիրության համար։

Անկասկած, խոնարհությունն ու սիրո գործնական դրսևորումը կարող են դառնալ հոգևոր հավասարակշռության բանալին այս բարդ աշխարհում։ Արդ, մեզ լոկ մնում է ոսկեբերանյան բառերով աղաղակել Աստծուն. «Տեր և Աստված իմ, խորտակիչը թող չմոտենա ինձ, որ կնքված եմ Քո պատվական արյամբ։ Ո՛վ ամենակարող, որ միակ անմեղն ես, սրանցով մաքրիր ինձ իմ բոլոր մեղքերից։ Տեր, ամրացրո՛ւ իմ կյանքն ամեն տեսակի փորձությունից և իմ դեմ պատերազմողին քանիցս, որ վեր կենա իմ դեմ ամաչան, և պատկառած հետ մղիր ինձնից։ Ամրացրո՛ւ իմ լեզվի և մտքի ընթացքը և մարմնի բոլոր ճանապարհները։ Ամեն օր ինձ հետ եղի՛ր՝ Քո ամուտ խոստման համաձայն, թե. «Ո՛վ ուտում է Իմ մարմինը և ըմպում է Իմ արյունը, նա կբնակվի Իմ մեջ, և ես՝ նրա մեջ...»։

Հայկ սրկ. ՍԱՐԳՍՅԱՆ
ԵԼԵՆԱ ԱՐԱՍՆՅԱՆ

Իսահակ վրդ. Պողոսյան. Պատումներ

Ճշմարտության ձայնը

Մի հեռավոր երկրում, որի գտնվելու վայրը ոչ ոք չգիտեր, որտեղ արևը դուրս էր գալիս միայն բռնապետի թույլտվությամբ, իսկ մարդիկ ապրում էին համատարած լուծության մեջ, երկաթե ձեռքով կառավարում էր Վարազ թագավորը՝ արգելելով ամեն տեսակ քննադատություն ու ճշմարիտ խոսք։

— Եթե մի բան ինձ դուր չի գալիս, ուրեմն այն ճշմարիտ չէ,— ասում էր նա։

Թագավորի պալատում ծառայում էր մի հնազանդ, տարիքավոր գրագիր՝ Անհուշ անունով, որը գրի էր առնում միայն այն, ինչ Վարազը ցանկանում էր։

— Գրիր, որ միայն ես գիտեմ ճշմարտությունը։ Գրիր, որ ես արդարադատ ու ողորմած եմ,— հաճախ հրամայում էր բռնապետը։

Մի օր պալատում էր գտնվում հայտնի մի իմաստուն, քանի որ Վարազը ցանկացել էր լսել նրան։

— Ասա՛ ինձ, ի՞նչ է ճշմարտությունը։

Իմաստունը մի պահ լռեց, ապա պատասխանեց.

— Ճշմարտությունն այն է, որը ո՛չ խորշում է թագավորներից, ո՛չ զարմանում ու զարհուրում է պալատներից և ո՛չ էլ երկյուղում մահից։ Այն շարունակում է ապրել, անգամ, երբ բոլորն անտարբեր են։

Այս խոսքերից Վարազի ժպիտը դեմքին սառեց։

— Իսկ ի՞նչ ճշմարտություն ես դու տեսել, որ ինձ անհայտ է։

Իմաստունը, անվախորեն նրա աչքերին նայելով, ասաց.

— Ճշմարտությունն այն է, որ քո սուրը վա-

ղուց ի վեր արդեն հարգանք չի սփռում, այլ տոկ վախ ու ավեր։ Քո երկրում համատարած լուծություն ու մթություն է։ Եվ դու կիիշվես որպես լռեցնող, քան կառուցող կամ ապրեցնող։

Բարկությունը ցայտեց Վարազի աչքերից։

— Այստեղ՝ իմ պալատում, դու համարձակվում ես ինձ հետ այսպես խոսել։

— Ճշմարտությունն ամենուր իր խոսքն ու տեղն ունի՝ անգամ քո պալատում։ Չէ՞ որ ինքը ցանկացար ինձ լսել,— համդարտությամբ վրա բերեց իմաստունը։

Բռնապետը բարկանալով՝ հրամայեց բանտարկել նրան։ Բայց գրագիրը, որ տարիներ շարունակ թմբկահարել էր բռնապետի փառքը, գրի առնելով եղելությունը, գիշերով գաղտնի բաժանեց այն քաղաքի բնակիչներին։ Եվ մարդիկ, աստիճանաբար հաղթահարելով իրենց վախերը, սկսեցին տարածել այն։

Տգետ թագավորն ու իմաստունը

Հեռավոր երկրներից մեկում մի չափազանց հպարտ թագավոր էր ապրում։ Նա շարունակ արհամարհում էր իմաստուններին ու կարծում էր, թե գիտելիքը միայն թույլերին ու թշվառներին է անհրաժեշտ։

Մի օր, երբ նրա պալատ է գալիս իմաստուն մի ծերունի, թագավորը նրան ասում է.

— Ասա՛ ինձ, իմաստուն, ի՞նչն է պիտի ես՝ ամենագոր թագավորս, ուսանեմ, երբ իմ կամքն արդեն իսկ օրենք է։ Ես հնազանդություն եմ փնտրում, ոչ թե խորհուրդ։

Իմաստունը ժպտալով պատասխանում է.

— Ո՛վ մեծարելի, պատկերացրու, որ դու

հայտնվել ես մեծ վիհում, պարան ունես, բայց չգիտես՝ ինչպես օգտագործել։ Քո իշխանությունը կարող է ասել՝ Բարձրացրե՛ք ինձ։

Բարկացած թագավորը հրամայում է արտաքսել իմաստունին։

Տարիներ անց թագավորի որոշումնների պատճառով երկիրը կորցնում է իր անկախությունը, և երբ թշնամիները ներխուժում են, թագավորն ստիպված է լինում փախուստի դիմել։ Երկար դեզերելուց հետո քաղաքն ու հողանձ՝ նա հանդիպում է մի ծեր մարդու, որը նրան հաց է տալիս։

Երբ թագավորը հարցնում է՝ Ո՞վ ես դու, ծերը պատասխանում է.

— Ես այն իմաստունն եմ, որին դու արտաքսեցիր քո պալատից՝ չհասկանալով, որ հպարտությունով զուգորդված տգիտությունը կործանարար է, իսկ գիտելիքը՝ մշտապես լույս՝ խավարում մոլորվածին։

Անպատրաստ թագավորը

Մի անգամ հեռավոր երկրներից մեկի ժողովուրդը որոշեց թագավոր ընտրել ժողովրդի միջից։

— Իշխանավորները մեզ շարունակ կեղեքում են ու զանազան նեղություններ պատճառում,— ասաց ժողովուրդը,— եկեք մեր միջից մեկին ընտրենք, որը հոգ կտանի մեզ և բարի, իմաստուն ու լավ թագավոր կլինի։

Եվ ընտրեցին մի համեստ ու ազնվասիրտ գյուղացու։ Նոր թագավորը, գահին նստելով, կրճատեց հարկերն ու նեղությունները, բայց շուտով պարզ դարձավ, որ ամեն ինչ խառնվել է։ Հարկերը չէին հավաքվել, բանակը քայքայվել էր, իսկ հարևան թագավորու-

թյուններն աչք էին դրել իրենց տարածքների վրա։ Թագավորը չգիտեր՝ ում լսել կամ ինչպես գործել։ Ամեն քայլը սխալ էր դուրս գալիս, ամեն խոսքը՝ անտեղի։

Վերջապես մի ծեր խորհրդական, դիմելով նրան, ասաց.

— Գահը միայն պատիվ չէ, այլև պատասխանատվություն։ Ո՛վ չունի նավ վարելու գիտելիք, նա նավապետ չի դառնա, և ո՛վ տակավին չգիտե թագավորել, գահը կխորտակի։

Թագավորն ամաչելով՝ հրաժարվեց գահից, վերադարձավ իր հայրենի գյուղն ու սկսեց ուսանել։

Երբ բավական ժամանակ անցավ, պարզ դարձավ, որ նա արդեն պատրաստ է ղեկավարելու, բայց ժողովուրդն այլևս նրան չապավինեց։

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝ Մայր Աթոռ Սուրբ Էջմիածին
Հրատարակիչ՝ «Քրիստոնյա Հայաստան»
թերթի խմբագրություն

Գլխավոր խմբագիր՝
Նարինե Հովհաննիսյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristonyahayastan1@gmail.com
qristhay@etchmiadzin.am

web կայք՝
krishayas.wordpress.com
etchmiadzinlibrary.am/en/kristonya-hayastan

Ստոր. տպագր. 4. 11.2025 թ.
Տպաքանակը՝ 1265